

謔菴文飯小品

諸卷文飯小品目次

卷三

記

游西山諸名勝記

游滿井記

游攝山記

再游靈谷寺看松記

三登燕子磯記

登龍山記

舊游采石記

上君山記

游廣陵諸勝記

再上虎丘記

游慧錫兩山記

泛太湖游洞庭兩山記

游焦山記

游徽亭山記

游九華山記

游杭州諸勝記

先後游吾越諸勝記

瑞安仙岩記

歷小洋記

游天台記

鴈蕩記

龍菴文飯小品卷之三

山陰王思任季重父著

孫王田錫莘伯父較

記

游覽

游西山諸名勝記

董玄宰曰
吾鄉馬時
可死郭所
刊皆有文
章王辰
玉議論多

予讀書罕山松寺手王辰玉游記躍躍然起計蠟屐
裹糧非十金不可客僧有東明者請前驅諸山寺皆
可主吾能以蘇秦縱橫第攜詩韻往無他慮矣筮吉

于敘事矣
今梓使君
記又山水
中之蘆花

拔足邀同漏師仲容兄大然主僧月川爲汗漫之游
亦復少有所辨二園丁肩襪蓋二童子職瓢觚從下
庄買驢蹄僅入三人互爲政遜兩僧摩手謝仲容曰
長老慣行脚不須驢矣大然笑曰焉知不騎驢覓驢
哉仲容袖莊列大然袖天台止觀予袖山海水經每
五里一息坐劉家岡上望杏花桃李不啻石園錦障
翠微縹緲可掾而有也數里至雲會寺先之以東公
繼之以月公寺主果出以夷通夷言笑睥然午餐甚

游五洑記

設且止之宿謝去日晡至玉泉其山洞者兩入華嚴
寺苦矣主出抄化驢解去而予以百緡謀栖立東公
之枝見矣逢一沙彌導入大士菴可夜飯不供而蔬
餅草草亦不餒明旭下望湖亭看湖湖名裂帛瀑布
挂裂帛以施名亦致其水珠珠然輪輪然但吐泉
此則內相家風耳泉達湖漸廣漸澄可照客
綠披石斷清泚可愛顧安所得酒有角巾遙
之是巢必大仲容目短大然曰是是果巢必

大也則聞喚之必大曰王季重哉何至此入山見似人而喜也至則共執其臂索酒食如兵番子得賊者必大叫曰無枯我有有有耳語其僮速速必大予社友十六歲戊子鄉薦尊公先生有水田十頃在甕山構居積穀若眉塢可擾不二時酒至酒且蕙肉有金蹄有膾有小魚鱗鱗有餽飪有南笋舊芥橄蘭頭破醬稱是就堤作竈折枯作火揮拳歌舞餅之罄矣必大張其說曰吾有內醞萬瓶可淹殺公等許許三狂

涼可研京
才同賦海
至其經緯
滑辭雖以
帶趣雖不
身處亦覺
白山諸勝
意詩頗勝

二禿何足難邀往便往。刑一雞摘蔬求豕。正婦村中
俏也。亟庖治。又有棋局。一宵手古。明日看功德寺木
球禪師所肇也。爲累朝謁陵。天子駐蹕之所。
無他妙。只老松古柏。農來暇陰。蛙語部傳而已。勤必
大西借不可。第以所爲內隴者。贈兩盎別。走花村者。
十一。至子菴憩茗者。三。取次得臥佛寺。寺有佛銅臥。
有西域婆羅樹。蔽牛喧。雀不甚潺。東公力入尋僧。
勉得飽沃。月公前走香山。日云夕矣。坐其石橋池泓。

之中

一在坊西

激

龍菴文飯小品 卷二

三

文漪朱鯉數十頭。發。驗。鳴。鳴。則。堂。堂。策。策。之。習。且。信。
也。陟。來。青。軒。借。宿。軒。主。授。餐。甚。大。第。明。旦。憑。檻。觀。之。
西山爽氣。果鍾于此。來青者。肅皇帝所命也。聰明
莫過信哉。軒主賢。必欲陪碧雲走寺。謂萬外一精。町
亘。佛。宇。輝。麗。僧。舍。潔。清。暨。登。追。琢。已。無。餘。巧。以。山。谿
之。香。山。似。金。碧。雲。似。焦。香山可游。碧雲可聽。香山可
酒。碧雲可茶。兩寺長俱大奉。變。妻。肥。酒。逃。客。自。元。其
典。坐。僧。以。緒。餘。素。客。然。亦。以。紫。清。玉。闕。之。福。矣。泉。邊。

僧此淨不容睡而予新燕其間香山軒主實從諫之
又日覓洪光寺十九盤石磴也喘極視極磷磷齒齒
登登憩憩看鬼斧劈天五丁鑿嶂皆大喘闌金錢幾
百萬萬謀其埋骨受羹之壘佛前而身後之以僧爲
子孫以寺爲家不講堪輿不問孤旺一作百作互相
詡賽蠻強歪扭而共爲之者可笑亦可喜也寺之土
又有弘敎亦正肯構有瑞監督見斯文來肅起邀坐
甚拱名曰擺飯予三人勉就之二長老守其苾蒭俱

言
卷三
飽適下中峯菴日舍半規矣劉百世向以此驕稚我
與僧話及得盛款醞尚餘斗菴當兩寺中視遠更廣
漾盡石所砌無一土塵日月空行高天如洗雨水洞
聲清落談至午夜方寢夢寒境杳神情開豁此西山
絕勝處也翠巖在右亦雄踞有相數章有精舍數級
惡少奪爲書室毒僧不已一日剽其祠火其舍逃去
此亦吾儒之過也從晏公祠下他中貴祠佛宇九祠
道十一而晏長侍獨祠古帝王賢聖諸太儒其門曰

道統孰謂此輩無鬚眉哉。循樵徑而西，覓清涼寺。佛
已露坐里許，得秘魔崖。是盧師晏坐處。崖下桑乾河
故道也。師從南來，視曰：船止則止，因止于崖。童子
曰：大青小青者，龍也。願侍左右，能乘雲行雨，今溷矣。
礫矣。止有石面一尺，栢不痺不苑。五臺亦有秘魔崖，
不知誰述作。西之走瀾礫中二里，飯于龍泉菴。陟翠
勝寺，寺恢闔壯偉。憲宗幸寺，見金剛面黑，笑曰：火
裏金剛。一夕燬燬異哉。上有寶珠洞，何以珠？曰：夜夜

有珠光照巖、惑其事耳。去之游嘉禧寺、地阜林深、土
甘水清、朱碧一同、映隱黑翠之內、其看家樓三層、石
峻、寺僧食其力、素封、向苦斬關之盜、一警則要者局
樓、守其寶物、而隣寺福田亦然。寺主清寥、秀冷雅特、
骨見衣表、向曾乞予一聯、見予到、快極、延入精舍、款
之、次早來省、則延入其虛白堂、看蘇黃等蹟、關荆等
畫、皆吳閶門頭映物也。仲容大然俱好好、吾亦與之
爲好好、顧明窓淨几、文魚巧鳥、竹妮妮數十竿、引山

遶戶下苔藻芷菰高榆深柳架上古書亦稍備此
僧殊不俗俄而內炙大供烹鯉炙鼈出米汁幾種皆
行家不知其解蓋去皇姑寺里許一請而至也皇姑
寺英宗所建征也先之役有呂尼者不可上怒
其不利叱力士交極乃示化後蒙塵時尼數見獻其
餅餌居南宮尼又見復辟後詔起保明寺祀尼肉
身跌坐今其徒繁衍數百玄髮緇袍皆以色市長安
貴人往往以爲異味染指染指者所事齟齬須出其

騰下則亡咎、價甚翔、倍於名伎、老尼更滑于鵠奉

詔宦者門之、僧不許入、然而別有紐會、清寥則力能
得之者也、仲容心語曰、賊禿、大然曰、侍立小童足矣、
何必再徘徊三日、望姑寺無導師、盈盈脉脉也、清寥
更出青驪白馬、資我輩西游、至磨石口承恩寺、東明
之土著也、主萬菴、是剃頭衛玠代、光宗捨佛者、宮
梵若忒利、飲食器用不移而具、萬菴與予象戲、仲容
曰、子目不及棋、敗矣、果然、戒律甚謹、酒肉不至、院中

羅漢松如髯覆鬱乎蒼蒼也。留此者二宿。思公。子。今未敢言。則以帝釋故。去十三里至淨德寺。寺僧本寧韶。令妥妙。似家有長子。然其生也。與予同物。周旋愛敬。使予不可堪。一樓百尺。亦用備武者。望渾河一帶渺渺。索予扁。爲題雲。鏡二字。頃之村酣饒餽。有魚二尺者。三頭爲煤。窑戶所登。不解食而私之。窑主卽寺僧也。人生口腹緣如此。又二宿而游所謂壽雲菴者。詰曲僻處。櫻桃林迷綠。止有綠水谿谿。飛花歌鳥。一

少僧出迓新供甚腆若豫待者則寧公有庄戶勅之耳西山小巷皆附庸於大寺隻語片字其應如響素所約束也此地菓實甚秀秋清仍當再訪僧乞予對予題曰重陰亂緣不分樹暗水流花但有聲別之去穿雲破石至龍恩寺古樹老藤妙有泉瀑雖不甚飛怒而綏綏續續亦北壑中之活流矣寺主留供寧公又遣使至大會具主禮大會亦大瑞卜藏之所左于寺其佛無殿有堂精塗過香碧其院落廣四畝皆玉

石所方者。此石產于大石窩。惟朝中墀路可得。斗
騾可曳一丈。不知費幾許白鏹。纔構此夜坐時。月來
射石如水。其淨如拭。僧不畜一帚也。予謂同行此地
只宜打滾。宜蹴丸。宜拳棒。宜放炮仗。宜摸蝦兒。宜抽
陀螺。宜勒空鐘。尤宜踢毬子。太然掃之曰。弟卽不言
叅禪。作文字。予曰。正作文字。叅禪多。一想也。仲容曰。
佞哉。寧公復以魚酒餉佳。此愛此者。凡兩日。仍過淨
德別寧公。復爲我資足力渡河。四十里西南至戒壇。

寺曰萬壽松有數百年者二本壇中榜選佛場列戒
神千許皆戎裝悍塑恐懼相香燈迥異頒自內府僧
亦內容疑我爲施主也飯竟上西徑雲片襲衣裾歷
巖洞者甚恠其乳石皆龍魚之貌所說麗涓洞孫臏
洞實無攷二子同師鬼谷在扶風何以洞此意者房
山有武子墓因洞之而亦以洞涓耶馬陵在魏地亦
不確甞勉上極樂峯是京西出城時所望見蔚藍方
掃者乎俯視渾河如線遠予憬然有胡兒牧馬之思

焉。第戒壇以浴佛日盛，游人萬萬，而葦棚蛆伎遍山
闌入。龜者執鞭驅之，棍狗醉閤，挂褙磨淫，云是元俗。
公主捨身，穢此勝場。司土者何不置之重典。山游不
幸，央意取徑歸，走潭柘寺。是華嚴師建，前時潭龍，敬
來聽法，苦不得見。山神教龍，師怒則着相。天龍鬼神
可以見之，乃作踐一盂飯。師果怒，龍得見之，作禮具
言。師爲說法，龍得度去。許施其宅，一夕風雨，潭平地
湧，兩鵬吻出。今在殿角，云龍皆怒起，或謂是耶。柘則

亭覆者一枯而不朽。龍子化爲青蛇，恒來舐僧臂。黃連樹下有白石佛座，示苦相。元妙嚴公主拜經磚，膝痕猶在。遂老于此。捨身者是其姊妹耶？非耶？然予所喜者，虛閣松濤，斷崖石雨，冷烟鐘滯，古洞藤纏，一宿萬空，賒游今遂，亦可以自慰矣。寺僧言雀兒菴幽險，可卽寺去此五里，而仲容不力矣。賦歸去矣，歸則渡渾，至石景山，有骨無膚，銳鑿已遍。元君崩，道士出茶餅相勞，感逾陳蔡之困，最上金閣，北望渾河，夷界所

飛至也。東望帝京中華一界耳。神宗視河時云。此河甚狹。如此洶湧。則黃河了不得也。大哉。王言。有其魚之想。而三輔臣只奏分黃導淮事。智遂不及夷夏。若有一个臣如此。回經上庄土家數十花事。爛斑蜂喧蝶舞。口稱王相公來。王相公來。一盂水相勞。至永年寺。則僧素菴拉入王戚。賜庄看貼梗海。意繡谷者。取酒肉同游拂塵。甚歡。賜去靈福寺。許街鼓動。而五人踏月還罕山。

松龕一士曰天下名山寺領之天下名寺僧領之天下名僧勢與利領之官曰游士曰撞天下僧皆勢利而京西更甚其相遇時蓋自有迎拒焉其相揖時肱脅有敬肆焉其相飯時煩簡有器數焉凡縉紳游取儀部一檄勅皂隸和尚先期往如會同館符發處處皆應矣傷哉士也飽時飽殺餓時餓死卽至其處有名勝僧不語也有精舍僧不止也游何容易士何可游師行而糧食食不給師潰矣予與仲容大然嗚游

盡西山之敦化，費千金而猶餘九金。返則東，明月川之力哉。

游滿井記

莊子曰
之游也

陸氏所見

之游也

其所謂

此

人之游

之游也

其所謂

京師渴處，得水便歡。安定門外五里有滿井。初春，土
女雲集，予與吳友張度往觀之。一亭函井，其規五尺，
四窪而中滿，故名。滿之貌，泉突突起，如珠貫貫，然如
蟹眼，睜睜然。又如魚沫吐吐，然。藤蓀草翳，資其濕，游
人自中貴外貴以下，巾者、帽者、擔者、負者、席草而坐。

如聞破琴
如聆驟雨
以人聽不
亦日貧不

者引頸勾肩。顧相錯者。語言嘈雜。賣飲食者。邀訶好
火燒好酒好大飯好果子。貴有貴供。賤有賤需。勢者
近弱者遠。霍家奴驅逐態甚焰。有父子對酌。夫婦勸
酬者。有高髻雲鬟。覓鞋尋耳者。又有醉言。潑怒生事。
禍人而厭天陪乞者。傳聞昔年有婦。卽此坐。辱各老
姬解襦以帷者。萬目睽睽。一握爲笑。而予所目擊。則
有軟不壓。驢厭天扶掖而去者。又有脚子抽登復墮。
仰天醜露者。更有喇唬恣橫。強取人衣物。或押人妻。

心
人翁然

女又有從傍不平鬪毆血流折傷至死者一國狂歌
予與張友買酌葦葢之下看盡把戲乃還

游攝山記

天都太學鄭于榮文且俠予以南北部待考于榮數
過握槊飲招同山人柳陳父門生曹元甫姻友俞際
虞游棲霞卽攝山也山有藥草可攝生得名出玄武
是四十五里竭蹶枵且倦鄭供未至舊子民采石秦
符二姓偶遭之亟以壺榼餉得其濟矣謁佛後訪江

總持碑不可得看銀杏二株氣勢摩漢千餘年物也
殿亦偉麗摩自鳴鐘香僧侈其事陟千佛嶺而鄭使
至得縱飲其上醉甚宿于方丈際虞侶之同起看月
正在殿題間明日取峯頂絲澗道入楊少宰有响鑪
碑予年友范長白特爲紀其事所謂天開巖者勝絕
飲珍珠泉一步一喘一喘一坐而得中峯高四百丈
關帝菴其上童銳耳四天雲末黑如豆粒者吳淩
松三江中之山耶有扇一方對瓜步之石帆耶龍馬

奔騰如陣排甲卸而一凝然受拜者其鍾山耶菴僧
固求楣帖尋已酣極爲之大書千頃泓然常供佛萬
山疲極爲勤王投筆而起至寺則鄭使移尊襪于蒼
麓上人房矣其樓倚青玉之壁松濤鳥弄流泉在其
戶下勝不可言陳父言秋闈租此者一日三金予曰
三金而買一日有此賤日哉元甫曰吾將鬻身削髮
住此間矣于榮曰何至乃爾約異日再游歸

再游靈谷寺看松記

錢靖符曰
波斯胡視

靈方有碧
睛吾從從

先生杖屨

賓客游去

從此不費
不洗矣

予見松多矣，卽無如靈谷靈谷松，如待試者，有老禿
有偃僂，有髯壯，有童子，有瘦長子，以千萬計。高皇
帝弓劍鄰于鉢杖，百里內林藪，詔毋斧，故多老其
天年。予北部時，與寅知數過，月旦在天界之上，予中
廢將四十年，復起繕部，携友同兒往訪之，則禿者盡
偃者枯，壯者老，童者壯，瘦者肥，悍已擎斗繡天矣，仍
從第一禪門入，自愿以趾代輿，顧寒風襲袂，每悵不
帶奇溫，命兒擇勝得松呼澗笑，芳草萋萋處，布席具。

餐奕者奕。握槩者握槩。投瓊者投瓊。把卷者把卷。藏
鈎者藏鈎。勝事也。卽此勝地。亦不語人。待解者認續。
若入功阿耨水。遷誌墓。無梁殿。皆六朝烟草中舊跡。
前人紀之已悉。至琵琶街一響谷加磚耳。何所傳靈。
吾鄉南明山。踏之鉤鉤然。堂堂然。金之則金也。革之
則革也。絲之則絲也。人舌詎有定乎。右方丈望鍾阜。
翠幄可憐。栢松檜竹苔毛蘚髮。俱可墜人。誓絕塵世。
第孝陵鹿每窺僧飯。不止日攘。予默想欲令全鹿。

九。只。須。此。中。胖。和。尚。數。體。命。諸。兒。得。借。一。間。受。用。不
盡。也。

三登燕子磯記

萬曆乙巳冬同客年友唐存憶招予共謝在杭游燕
磯出觀音門入清江道院少憩繇關帝祠右上水
雲亭榜曰天空海濶湛甘泉先生筆也數級而上肅
帝則氣吞江表矣又上之爲磯頂其亭曰俯江予與
在杭飲奕存憶以大兒觥勸負者今崇禎癸酉在杭

久化去存憶爲憲長而予仍復爲小司空偶攝城垣
董脩至此例有官餐予命之設於磯上邂逅道院之
塾師拉其對飲此人殊憤憤每江帆一過予引一巨
視其平安亦一樂也予解江州之節已卯游邢返經
過其下磯石齒齒一老漁向予言二十年前磯穴中
有十丈者百千丈至萬丈者水湧迷舟一觸卽苦今
皆沙淤平善不復慮也何以名燕子曰羣石飛動紫
領黑體如燕子然老漁豈欺我哉復市魚覓醴至亭

頂同友生吳竟宇、田遠度、阮周生、或奕或投、瓊毫無
官守之顧、得遂逍遙之情、較昔年之樂、更倍、臨別辭
帝、似甚不能忘情者、帝曰、將子無死、尚復能來、

登龍山記

萬曆癸卯九月九日、當塗令王思任棘闈題解事竣、
還官、拉同廣文新昌劉幹正、泰州李廷芳、無錫浦蒙
泰、至龍山登高、尋孟嘉落帽處、記孫盛之雅嘲、喜參
軍之卽答、述蘇軾之補文、食茱萸、長壽之餅、飲菊花

吳竟宇曰
又作一體
按幅單行
省是九明

去疾之酒霞天有雁返照澄江新月空飛千山呈媚
數千年後續相孟作披襟之樂勒名崖下

舊游采石記

予補令當塗翰編孫淇澳邂逅稱賀予曰衝途牛馬
也何賀淇澳曰賀年兄得采石言曾汎舟其下長江
於此清明月於此正異哉玄珠象罔得之乎比至則
鎮有紳拂塵于太白祠肅後心謂先生着宮錦袍騎
鯨捉月翰編所羨擬者此間哉是時臘望霜空九天

仙氣煇煇
盛德流輝

龍卷之飯八品

卷三

十六

游覽記

南直

練澄碧、杳漁火、孤寒予。此來爲先生洗明月也。而先
已得采江之月。新令體嚴從者不語。且別去。纔服官
而屯田使者至。未幾上江使者至矣。未幾督撫予寧
至矣。未幾吏垣長至矣。人人督郵。時時負弩。翰編賀
我者耶。支吾四應訖。二三友生。觴我於燃犀亭上。是
溫嶠心動處也。頻首一窺。惴惴慄慄。老鶻悲鳴。而予
識采江之險上之則剛矣。云常開平首登此。戰鼓轟
接。開平大呼。從舟頭一躍透起。二丈。予于此得采江

之壯。又上之望東西二梁。若文君黛者。蛾眉亭也。而
予于此受采江之秀。他日鬱孤黃儀部庭筌至。飲游
憩于老松之下。清風徐徐。俱千百年物。一松一亭。而
予于此得采江之松。弱侯焦太史以丈洲之役。勞我
於牛渚之間。值明霞寶綺。秋水長天。倒映蛟龍之窟。
煜煜然。而予于此得采江之霞。兵使者來迎之。不至。
滂沱晦塞。幾于縣官無火。而予于此知采江之烟雨。
某子甲爭山爭壠界爭命。公事信宿。輒向李先生對。

飲明晨憑檻一魚跳擲首尾卷然銀晃雪團仇巡簡
勅漁且待價庖子得之生平鮮肯而予于此得采江
之鱗魚送直指出江暴風突起驚濤拍岸予寄命一
箬舫直指以手麾謝其所乘餘皇顛播亦失色一物
騰入予舟匪龜匪豕匪鹿匪鱖儼然渥洼駒也舟人
膽碎予且矯情鎮之僥倖至祠下焚一楮別之而予
得采江之驂馬踰三十五年再起推于湖事竣返棹
至磯下則山嶠松黑李思訓輩畫瓊島雪峯定不見

此而予于此得采江之雪。此又皆翰編之所不及見者也。

外史氏曰。塵之裏人久矣。有終身不見山水者。有終其身。在山水而不見山水者。若予。令姑孰至采石。有一息之偷。卽采石也。青蓮先生捉月去。是譚語。然以不了之明月。償有盡之幻軀。對頭亦大矣。而予幾十年。得依先生于采石。孫翰編賀我。可賀也。

上君山記

山以春申君得名

陳眉公曰
使君相山
又復相人
山有過法
人有過情
不許冷眼
着毒也東
結數言如
王實甫代
張君瑞陳
說年籍者
余爲老諧
髮矣

南龍盡於江陰，予疑君山所止，乘鐸雲間，以送試事。
特往察之，下關不鎖，去海洋洋，朝對沙馱，亦無情面。
人子須知，詎郭璞哉？會朱青浦惕菴，能上海南石，醪
具以游，石老松長，風疎日美，天籟徐鳴，遙聯三山，可
以綠翼飛至，相與尋泉，試茗隨几，布棋吳中，秀髦紅
綺，蒞簪俱來，探視壁人有幾，汗香粉落，予曰：我師汝
者，可與共學，一揖卽行，不通名氏，祇剩夢思。

游廣陵諸勝記

曰梅花嶺閣以何遜勝遜又因少陵之咏勝今官舍
官庖官酒官腔官便已耳吏皂隸襦花不容開朝言
公事有花不目而予獨賞其臨池一帖魚牀侵岸水
鳥路入山烟此王子安語也不俗曰邢溝柳綠隋堤
風光漪媚葦荇芊眠亦自楚致然而不可方舟惟多
鱸店煎鱗燐豚甜濃惡醢令人苦趣而少婦翁不知
其解以我爲生憎也曰蜀岡不見蒙頂之茶亦不見
冰雪之井北邙蒿里政似小兒痘上加痘者人生只

合揚州死。何不學仙。冢累累曰。迷樓。今作鑒。鑒固佳。
卽仍其迷。亦自可。四寶帳。雖以亡國。然煬帝命名俱。
文妙。只不合作官家耳。曰。九曲池。已湮沒。木蘭水調。
至今淒切。則不審當年主何意也。曰。司徒廟。清明日。
翠鬟朱顏。香燈鐘鼓。游人萬集。筵筭祈卜。至履錯簪。
遺以予目。所親盡粉本也。揚州實無色。曰。法海寺。諸。
亡賴於此跌博。放風鳶。或拳勇飛星。或獸粧鬼扮。以。
悲嚇婦女。曰。大明寺。水晶亞於南冷。特袖吾鄉日鑄。

試之亦覺清逸而已。晏元獻憩此得句。無可奈何。花落去。苦不能聯。江都尉王琪傍侍。應聲曰。似曾相識。燕歸來。公卽薦辟館職。遂躋侍從。吾家有人曰。平山堂。歐陽公所建者。看江南諸山。殊遠。適門人吳令則。孫登甫。檐具精腴。有二伎能太平曲。人棄我取。盡。惟沾醉。燃松呼鑰而啓城闔。邢人亦有後至者。

再上虎丘記

西湖月上。得眠虎丘。日斜方醉。此兩家者。予之狎友。

也。天啓丙寅四月十七日宿其寺下。次日昧爽，舟人括漏，一行人俱起。予約友生盥櫛，趁平旦之氣往寺禮佛。一蘇不到。兩阜無僧偶至，點頭石上，信手一推，而石搖搖然。沈叔賢陸務滋以手按之，則其指似麻辣。麻辣者，銀鹿王端大叫石動，遂止，再推之不可矣。叔賢吳人，云此常事。後詢之本地士紳，見未曾有，而予原說了不異石意。叔賢好友駁好爲姑蘇吐氣，言北寺塔高於報恩，務滋忤之，遂大怒，盛稱真娘墓之

妙云真娘當日色乃絕色聲乃絕聲技乃絕技務茲
又忤之曰兄聞之耶見之耶卽何不言墓乃絕墓予
曰真娘墓果絕有千人盤在可知也叔賢悶然而一
行人轟然

游慧錫兩山記

越人自北歸望見錫山如見眷屬其飛青天半久囑
而得藥也然地下之藥又慧泉首妙居人皆蔣姓市
泉酒獨佳有婦折閱意閒態遠予樂過之買泥人買

口齒清麗
勿有一酒
謝在內呼
之或出耳
孫田錫頌

帝難費米虎翼蘭陵面具買小刀戟以贈兒輩至其
酒出浮磁鉢先嘗論值予丐列者清者渠言燥點擇
奉吃甜酒尚可做人乎冤家直得一死沈丘壑曰若
使文君當釀置相如何地也入寺禮佛後揖泉而酌
之同上慧顛望太湖茫茫然銅墨之影亦在雲鳬霞
雁之際下則客肆具整魚鮮肉旨止維揚白下所不
敢望者而沃後探愚谷園也廢但其泉猶屢響終不
若秦園之石盤骨潔老樹丰稜也西上錫山看城內

凌夜林間
同馬之賦
然有凌
六夕之氣

萬室鱗次，繡膏錦水，真英會一福壤也。浮圖初建而
孫興元出，再脩而華會榜興，則信乎有地脉哉。歸舟
則人士聯翩，笙歌絃索如五色雲中，特聞琉璃霓羽，
恍然葉法喜、挈三郎與玉環走月橋看廣陵燈事者，
不亦樂乎？不亦悅乎？

泛太湖游洞庭兩山記

余讀震澤編，慨然有七十二峯之想，已而手弇州太
函，敬着諸游記，則縹緲淫淫三萬六千頃湖波際矣。前

此記似朱
昌黎游
涼水壺太
湖勝處原
有詩云有
道也弁州
先生恐亦
不得觀美

游者曰非筇輿不可穿雲非我肯之艖不可破巨浪
因借同年俞觀察一檣而以橙黃橘綠之時約友生
李庭堅往會庭堅與州試債業未竟乃喚其弟澹湖
又得友汪若水陳少山築酒廐糧以癸丑十月乙酉
從胥門發十五里夜宿木瀆漁火星綴舟如孤驛四
人作吳俗鬪百老戲酒語清安明日丙戌登靈巖山
山半借松碧如裹纈書生危坐不語觀西施洞犀牛
石醉羅漢石俱無奇眺吳王箭涇水邪射里許甚

無謂相傳吳王箭之所及遂涇焉當是醉中令耳入
靈巖寺塔勸鐘殘秋深僧老艸花千本望門外湖氣
混茫滾入雪鏡一片爲之噉茗延佇者久之登靈巖
閣是周公瑕所顏此三字殊不惡赤葉已脫空曠
悲閣後二胥井云神異僧曾以此山木或有之標魂
走絕頂坐琴臺石憶夫差當年亦韻甚正不知黃雀
之寄耳也若美人能爲泮泮操故瀟湘誌矣三拔
笑語下十五里及胥口風沙將滿日隨曉暈消舟在

公祠下兩老木夾一古柏禿立丫撐穆穆乎老相國
陰風靈氣小子越之人也首濡酒拜而不仰急就舟
臥次日丁亥板屋罷宿而寢其未喻乃聞雞喔白雲
中推蓬視則東洞庭山足矣早市魚得銀箸者千頭
一飯爽極沿山俱素封丘隴從曲徑入翠峯寺碧澗
欲滴大約在濃松肥竹間訪所謂悟道泉者以松火
怒發之淡逸有力而本泉僧遽欲篋中冷惠山之座
則舌尚存也而吾友陳仲醇背泉跨澗扼樓以領

其勝遂使湖光山色，日日來盟，要言不繁，山川卽改
字耳。從右肩踰至法海寺，積葉封山，足音四響，飯於
芝臺上人之榭，萬木枝窻，秋聲蕩壑，意頗冷之。芝臺
出唐畫，隨喜乃如來示寂圖也。廣三十尺，脩益之，寶
相福嚴，解脫自在，而一時天女龍神，悲顙皇惑，眉號
口哆之態，俱無絲髮遺憾，可謂其效也。哀矣！此北宋
以前第一手，恐闢立本趙千里輩不能辦也。乃登莫
釐峯，看東山自西山飛下，崩洪穿度，相隔四十里，隱

隱馬跡蛛絲、兩山既共湖相望、而大姓時往來婚嫁、
故兩山人相見、互稱爲東山親家、西山親家云、是時
與澹湖指點龍砂也、日落半規、以其朱光飛躍、注射
湖練、煜然萬丈、芒穎煦爛、不啻五金之在鑛、俄而通
山化碧、又閃爲紫、予不能恖然莫釐峯矣、汪陳二公
乃從岡上呼歸、勉去之、澹湖家卽山麓、因造訪之、聽
綠橙百箇、放舟湖口、舉橙酌新月、飄天小波、穀纖乃
令童子吹雙笛、而予踞石作四噫之歌、且爲羽聲、以

和之漁翁樵伯俱亂髮走許何許人哉。或手解纜牽
白馬廟欲問柳毅龍井事而風抑不得便乃吸酒嚼
之舟如箕檣榜人力敵至暮始抵西山後保。邑丑觀
林崖洞是爲第九洞天相傳吳王使靈威丈人探之
十七日而不能窮乃取禹書以出天順中徐武功秉
翠深入署隔凡二字而返又云其底通陽美入三四
里許便聞呬啞聲踏頂上山河互爲浮湛理不足多
但洞不受肩而中多沮洳作幽腐氣吾所游貴奇正

共曉又何取於洞洞囑囑耶至於山骨鋒立眉峭牙
嶒萬譎千詭若鼓洪濤空滌之則玲瓏透漏花石
綱何必萬牛羶裹哉踰數十武探陽谷洞僅一蚌蜃
耳至王文恪所題丙洞屏巖則天逗雲腰泉淪石牕
樹橫竹偃櫻桃明燭時翠禽啁啾紫鴛產穀大有袁
廣漢北山圖意山之前爲靈佑觀已蕪廢問東園公
隱地無有知者惟東嶽廟前兩松蒼辣擎舞可舒襟
屋屈游之氣自此家家俱在果實中透迤峯逼而有

得毛骨
漸不

山榜出。松若麻栽。望橙橘徧谿壑間。上下垂垂也。寺鐘在樓。被荔裳纏咽。幽不可言。僧雖不韻。然談吐應酬。皆春花秋實事。予謂茶僧。果僧。猶勝鞋僧。膏藥僧。及今所謂禪僧。詩僧耳。飯於空翠閣。同訪毛公壇。壇故在隈曲中。八風藏納。五湖挹入。毛公不知何時人。於此得大還去。然亦不能竟有此壇也。吾何羨乎。坎離哉。是夜移尊寺橋。月氣冷浸。如束起五湖水倒潑包山者。松木影寒。宿鳥翻撲。却似魚游荇藻中。而寺

僧雪鶴能吳媼，則醉而嚮之，還宿空翠閣，簷頭星歷
歷如杯大，夢遶萬竹醒來，鼻作橙香，明日庚寅，謀上
縹緲峯，過沈氏墓，千尺松以百計，春臺夜壑，臥立之
間，感彼松下人，安得不爲樂，峯去麓十里，予短袖與
澹湖少山先登，凡數十勇，乃克之，而弱水跋蹙苦甚，
偶風色圓天，五百里都爲鼎氣，見兩舟如展絲之九
定而不動，良久，近山下，似雙翼翔空也，一艸菴棲僧，
分指晉陵吳興，攜李俱若天際一抹者，彷彿領畧之。

大抵縹緲峯乃洞庭山之元首而諸山其肢體也諸山又似花瓣而縹緲獨占其心高突曠朗若氣霽雲斂月孤雪壯時不可不作此觀獨恨呆峯至麓無尺蔭寸菁可救暍歟宜乎陶周望樂不償苦矣於是相勉下憩於嚴氏之樓村俗鼓音不絕則魚至謂之傍新鮮亟命僮徵酒慰勞罷相與酌烏砂泉訪小龍嘴初入嘴米之奇也稍猿引而鼠通之洞穴如蜂螭如鳥如覆敦如銅錡壁甌石氣雲乳秀媚晶瑩扣之則

漁陽玉也。蓋西洞庭乃太湖石之家。而臨湖者戰粘天之浪。日受剔割。遇風則縣作於窟。大有佳境云。於是放舟銷夏灣。吳王之所逃暑也。昆明太液。又自爲一區。蒹葭蒼蒼。楊柳婀娜。浮瓜沉李之際。定覺冰壺十里。命榜人速走石公。諸山之捲太湖也。以舌而石公獨拒之。以齒。膽怒骨張。而石姥助之。予仰臥於廿丈珊瑚灘上。太清一碧。斜睨萬里湖波。與公姥戲弄。撩而不關。乃涓涓流月。極力照入。若將翔而下者。李

生輩各雄飲大叫、川谷闐然、竟不知誰叫、誰答、吾昔
山游、仙於瓊臺、今水游、仙於石公矣、因坐翠磯、走風
弄、探雲梯、捫巖舍、人所題屏障諸刻而返、宿明月灣、
灣旣全受月、而沙渚蘆花映月發光、舟中之人、與百
千鴈分更而夢焉、辛卯飯於大龍嘴之下、嘴穴視小
龍嘴更怪、則有厂如者矣、奧如者矣、輪菌蟠奇、又如
老樹之根、微經角距不斷、凡石之道、以潤而尊、以瘦
而雋、以空而靈、以活而壽、而是處兼得之、得之且暢、

若使米顛家居於此，何如拜殺漣水賊耶？於是上法喜菴，訪梁天監時三松，而路斗絕不可通，舟人以風利噴噴言華山也。所謂綺里故居黃公泉者，俱從帆前閱過。入華山，則青嶂環迴，曲流徑繞，入家別有華胥，浮在水中，而實在山，藏在山中，而實在水。四五里聚落，錯繡成萬花之谷，望竹籬石堵，紅橋黃樓，家垂戶晃，將至寺二里，長松落落，夾道攬雲，俱數百年物，不下千章，而寺之檉橋益爛，慢狼籍翠羽丹苞之中。

無數金珠火齊寺橋傍紫葡萄藤葉嫩紅老白束縛
古木薜蘿野葛強附弱攀悉不辨倫理寺僧蒼麓剝
橘烹泉香風沸沸仍落入棋相贈富麗中幽逸清美
吾嘗欲攷此數日祿命也僭矣僭矣大抵洞庭之山
西勝於東而西之中惟石公可游花山可居異日此
言當懸之吳門不可湮滅一字乃移舟看角菴山境
已絕太湖若掬而瞰也有茶花一本蔭可畝餘四季
鮮發云角里先生手植予來時正英英其欲吐紅顏

含寶是飛燕來期。射鳥時。月里事附會。不可知。但聞
四老出商山。後卽入地肺。地肺者。今之三茅山也。去
銅官不百里。吾安知其不共採紫芝。買桂楫。作雲水
游哉。又數里探水月寺。名逸甚。而寺不勝。卽紫雲泉
亦一幫泥淖。不足寄陸羽思也。晚迺泊於韓村之湖。
日大月點。空滿天。作青火色。放眼五百里。一斂而水
天之白未盡。始覺西子湖。匡小圍狹。須臾夜氣茫然。
明月獨飛。如大魚縱壑者。意冥宮老蛟。幽魅。龍史。麗。

六人遊
叅必且綃張珠宴而一僮兵子以大炮轟之震來碎
磕可半晌許遂皆血沸爲波相與泣金翅公至矣予
於此際有雄心焉不能不歌老驥伏櫪壬辰從韓村
入三里拔一危嶺得西湖寺廢關雲守聞無半僧雪
鶴言有白香山一碑撥薛討之不可得而所謂湖者
丈餘緝漱耳湖既登山自應以少爲貴出嶺隔昨雲
梢鳥背有畫一區是東湖也而予足不能供目矣乃
下之資慶寺橋勝壑勝紅樹碧樟老山秋滿聲甕甕

不隨俯仰
又筆筆鬆
趣
門人徐咸
也識

然在空橐。是中橘柚已剪。衆鳥侏儻聚黨。詈僧且妬。
客至不得便。其檢拾巧坐枝頭。又遷其語。怒客客聞。
命矣。茶罷去之。踰嶺而得天王寺。寺前松差遜花山。
然枇杷花香風數里。氤氲山椒樹祖。藤孫萬果彙集。
色味糾纏。僧寮碧窈。寺主九蓮是解脫禪。能爲雅諱。
者。子謂此地極宜猿狄相與一笑。肅入竹樓酒我而
送之。湖濱乃探元暘洞。是時日在湖西。曳爲紫金大
錦。俄而珠玑火跳。化作九微之燈。漁歌樵唱。上下清

香俱以洞雲收之。因尋鎮賣橋還舟。別雪鶴而宿於
龍山之下。癸巳乃遡波命榜。數檻邊丹峯碧嶺。一
在杖屨前也。是役也。邀震澤之靈。自入後保以來。風
日清美。船如天上。湖山之狀。朝莫五色。悉飽其變。且
夜夜明月。秦鏡透飛。而無有纖雲滓穢。萬里寒流。濯
濯孤玉壺之魄。予蓋有游福者哉。向使石公之下。興
母封姨。再一鼓扇。令天際白濤。山呼海立。與石公作
昆陽一日之戰。予乃憑軾而觀之。則輪攻墨守。必更

陳仲禮曰
吾老死此
地不能想
及月中說
破卽是不
須再想

言者三
卷三
三十一
有奇焉者。而惜乎未之遇也。然而造化之秘。豈不少
愛子其貪隴蜀而無厭者耶。於是乎游有詔而系之
以論

論曰。太湖如月。洞庭諸山。睨之。則月中之桂影也。子
數時在東西兩枝。緣走穿弄。食其香而寢處其勝。亦
人間之月游矣。更有美者。山與人世隔絕。另劃一天。
四時有珍果琪花。令口目應接不暇。而又在水中央。
無虎豹。不若月明林黑。足不傾膽。且稻蟹魚鼈之爲。

渚雖僻在塢中。頓頓鮮食。此則山居人所不敢望也。惟是峯筍不蠹。壑布不飛。渴燥坡陀。童枯墳起。非石公崢嶸其間。則吾未有樂焉。願請之於帝。而以巨靈削賞。詔入台蕩。亂剪數十峯來。仍割其棄餘。泉瀑大小二十通。銀飛雪掛於花山縹緲之上。一夜雨風。雞狂犬惑。則吾當變姓名。輿棺荷鍤。來此作掃花使矣。而王弇州方虞倭盜之及。不肖移家。嗟乎。倭固有數哉。而盜亦有道存焉矣。

孫漢與曰
史記水經
皆大游客
也文章亦
大骨力近
日時可伯
穀輩杭人
撮泡茶耳
如我季重
此記另有
青藍自開
手眼不可
及也

游焦山記

海山多仙人、潤之山水、紫閣之門楔也、故令則登之、
不覺有凌雲之意、子瞻熟厚金山而興言及焦、則以
爲不到懷慚、賦命窮薄、由是觀之、心不遠者、地亦自
偏耳、丙申予謁選北上、老親在觴、曾撮游之、僅一識
面、偃蹇不親、已酉以遷客翔京口、五月既望、會司馬
莆田方伯文晤我、買鮮蓄旨、約地友劉伯純陳從訓
俱從、訓暑不出、而痒痒鞅鞅、徒以蘇秦縱橫、不能愿

待之卽乘長風往一葉歌播與拜浪之魚同出沒也
至岸入普濟寺伯文色始定而伯純以爲吾東家焦
殊不介介暑氣旣深幽碧如浸選綠雪輕風之下小
飲之各沾醉眠僧几澡罷謁焦先生祠庶幾所謂水
清石白者少微之星兩光獨曜而各以姓易山川然
嚴先生猶或出或語先生三詔罔聞一言不授蔡中
郎玄默之贊所謂伊人宛在水中央耶左行而得水
晶菴梧竹翠流潭空若永昌之鏡僧攜中冷水燃竹

而各禿
分口開
自註

石鑄沸顧渚飲我水或不禁刀畫然雲乳濛濛芝童
清侍聽好鳥一回何境界也山如驚伏而裾帶間妙
有茸囁各禿宮於藤蘿之隙且漁且耕而又且畋巡
麓右迤入碧桃灣則疎楊搖曳里許青蒨與朱華映
染半規山隱捫攀而至吸江亭望海門瓜步都作龍
腥點帆歸鳥千嶂彩飛江淹詠日暮崦嵫谷者是矣
乃從山背一探天吳歷數亭而憩之石筍關潮馴鷺
不等而湍險震盪吾獨美其威紆百疊愈取愈多杜

策歸僧堂。梵鼓動矣。伯純曰。大月已到。不宜開飲。問童子得櫻筍銀鱗。又得文雉。被跣而出。歌於諸山第一峯前。月精電激。江波碎爲練袂。我欲呼老黿共語。而伯文謂山鬼愁予。伯純願兩脯之以作水陸供。便思駕長虹而通沃洲也。相與轟飲。呼盧集杜句。得月者贖。坐至子夜。而天風漸勁。澎湃洶然。江聲入僧室。笑贊明子先鳥起。領清茶之味。人各鼯鼯也。伯文搔首。出謂王郎。卽有山水饒。不須奔競爾爾。予不能辯。

也尋會食探浮玉巖一石橫出摩藓讀昔人題石屏
字躋級登觀音閣修篁琪樹蔽翳雪光更有竹閣兩
楹買夫半角而金山斐疊其胸此足當人主矣又延
踏而至一僧舍竹盆酖染衣袂俱作雲香有巨石數
十堆墮澗中討瘞鶴銘已投江丈許寒衣濡足憫不
可得王辰玉昔曾判之以爲斷非逸少之筆大都高
人韻士惟恐人知焉見瘞鶴之字不出蝸牛之廬而
必借美於換鵝之手耶伯文領之以韻語相挑再遣

徐亮生曰
判斷公道
金焦類首
蘇軾喚起
何復又生
此人我心
不到

舟從沙戶市魚而奕於斷巖懸壘之半徘徊瞻顧有
不知玉壺清宇冷在何處者試以金焦評之金以巧
勝焦以拙勝金爲貴公子焦似淡道人金宜游焦宜
隱金宜月焦宜雨金宜小李將軍焦則大米金宜神
焦宜佛金乃夏日之日而焦則冬日之日也伯純主
駁子腹中丘壑舌上陽秋誰爲我金焦賂子左右足
乎乃喚兒觥大笑飛敵玉漁火初出緩棹至餘皇以
不盡之瀝中江而罄之是夕月明如晝微風不興水

滿堂林目
只是清到
骨底令人
看殺衛玠

夫一片人語杳然而城頭漏三嚴矣此大江流日夜
客心悲未央時也

游敬亭山記

天際識歸舟。雲中辨江樹。不道宣城。不知言者之賞
心也。姑孰。據江之上游。山魁而水怒。從青山討宛則
曲曲。繞灣。吐雲。蒸媚。山水秀而清矣。曾過。響潭。鳥語
入流。兩壁互答。望敬亭。絳霧浮騰。今。素蒼然。生翼而
吏卒守之。不得動。既束帶。竣謁事。乃以青鞋走眺之。

一徑千繞。綠霞翳染。不知幾千萬竹樹。黨結寒陰。使人滑面之血。皆爲蟬碧。而向之所謂鳥啼鴛轉者。但有茫然。竟不知聲在何處。厨人尾我。以二觴勞之。留雲閣上。至此而又知衆鳥高飛盡。孤雲獨往還。造句之精也。眺乎白乎。歸來乎。吾與爾凌丹梯。以接天語也。日暮景收。峯濤沸亂。饑猿出啼。予慄然不能止。歸卧舟中。夢登一大亭。有古栢一本。可五六人圍。高百餘丈。世眼未覩。世想不及。峭嶠斗突。逼嵌其中。榜目

敬亭。又與予所游者異。嗚呼。晝夜相半。牛山短而焦
鹿長。回視靄空間。夢何在乎。游亦何在乎。又焉知予
向者游之非夢。而夢之非游也。止可以壬寅四月記
之爾。

游九華山記

傳徵初曰
青陽有甚
好處。經年
兄一品題
覺青在眼
前。文自與

予冷姑孰歲謁監司於秋浦。每吟老杜高山擁縣青。
則願調青陽一尉。至玩華亭。每恨不夕得長此亭足
矣。壬寅六月。以課績往。而兄大然師滿仲容實來。乃

訂門人張仲濠王中履共訪九子山。臂篆手鐫。約從
侈醴。出青邑九華廟十五里至西洪嶺。雲物作靈。各
有敗意。而大然力呼以爲卽。擣鐵勿阻。俄而霽矣。見
枕月一峯。秀矯天左。雲觀弼之。自此但有蓮花層臺。
烟鬟亂堆。聚首而學者。命爲九子。餘不勝問也。五里
至石龍口。峭嶺漸迫。怪體幻來。十里至山西屯。則垂
天之雲。倒立陰陽。失昏曉矣。乃飯於橋。菴過野梁下。
有朱瑚石骨。席平三十丈。流泉一派如雪。霞舒走急。

置酒上流、腹臥而味接之。吾家伯安先生賦九華、瀨
流觴而縈紆、遺石盤於澗道者、豈樂此耶？去梁百步、
望見懸瀑一通、馬上人肩岸、盡帶棲賢三峽、數里至
湧泉亭。此雲石中仙醺也。數里至半霄亭、鬟螺髻、蟠
糾今并堯洵武如此行。小仙橋兩澗孤絕至碧霄亭、
而九十九峯次第招我、葛袂過大仙橋、僧童以簫管
互迎、空山細響、鳥梵鳴泉、殊不惡。至望江亭、霧中梳
曳一練、疇昔舟中所極目碧靄者、我今噓其間乎！入

玄覽亭而江鼎山翠爭媚舍規客有恹思矣左折而下抵化城寺肅佛後簡一竹樓憑之似翕碧茵苔中一鬚者仲容方與中履丁丁然聞局道仲濠以爲如此好山不看而擔糞澗乃公爲大然曰此二人者亦九子坯也乃飛犖轟劇而宿質明謁太白祠虎蹄新過如爪拆有胡僧以藤杖夜巡虎來輒伏禮地藏殿隨喜其塔老僧具云至德初王從新羅國卓錫於此以堪輿理察之此山獨小圓直中立似萬萼護包者

佛所藏亦入風。不襲人。予更須知矣。白蟻之事。似若
荒唐。然青泥可食。於傳有之。予幼游盱江。從姑有奉
脂三穴。氣每臭。大仙佛作戲。不可以腐斷也。第舍利
妙光緣薄。未覩。差爲闕事。乃東上神光嶺。望金剛尖
山。若戴杵。東巖是金藏。苦行處。數轉而得龍頭石。一
巖險掛。伯安手書。周經偈在焉。巖下則爲舍身崖。果
人膚股者也。南折而入一禪室。枯僧一人跌其中。啖
五釵松而已。而所謂古仙鉢。孟雲門天台繡壁聚講

內峯外峯皆以萬籐卷揚其衛金藏之樞也自此而
往猿居熊府啼嗥幽暗無樵迹矣予膽如瓠足如羅
欲卽窮之會直指有微山靈又將脩如因各賦數詩
趨還大都九華之勝李供奉發明之矣山多作怪學
人物獸鳥之形團結移換朝銳夕方遂令三百里之
間神目駭笑然而身卽其顛俱洗附烟騰詭譎易屢
昔人所謂可望而不可登者也寒碧秋凝集衆美而
得大意者庶幾五溪橋上乎是役也所悵悵未游者

九子寺七布泉所未見者鉢囊花玉纓絡所見者石
斑魚南天竹所聞者虎嘯克丁當所食者竹簞石芝
得攜歸示人者仙掌扇金地茶

游杭州諸勝記

浙江

吳山頂極勝予嘗居三茅宮往眺之有古松老檜數
十章前瞰海門後臨明聖大可生事山主索高價登
不不力又大盜時至姑已之

宮石峭半壁蒼苔綠蘚雨後游之令我眉顰肉

舞右洞丁野鶴蛻存可以脩真亦可以飲酒

鳳山福院上石筍如排衙望大江入海晃晃然天峯
秀拔其月巖一石圈鏡寺僧言中秋時月嵌於此不
爽錯鉢

西湖之妙山光水影明媚相涵圖畫天開倚花自照
四時皆宜也然湧金門苦於官皂錢塘門苦僧苦客
西波門苦鬼勝在岳墳最勝在孤山與斷橋吾極不
樂家徽賈重樓架舫優喧粉笑勢利傳杯留門趨

入所喜者野航兩棹坐恰兩三隨處夷猶侶同鷗鷺
或柳堤魚酒或僧屋飯蔬可信可宿不過一二金而
輕移曲探可盡兩湖之致

昭慶一市兩耳淨寺幽雲肥綠可愛佛宮又壯大其
中似我身心京北信管皆竹建寺竹庫沿香徑點
白鷗沙鳥往來飛啄酒家魚藕甚賤頗適游人費貞
父寓園在右肩有石可剔而無泉可淙終不若寺門
境界之豁爽可坐也

飛來靈鷲峯、竇剔洞通、宋之間所云龍宮鎖、
形至、然讀其全首、兼語靈隱、不獨樓觀滄海、
浙江潮也、其幽斗處曰韜光、在巢溝塢內、其壘翠處
曰西清、曰岫巘、家家以竹簷郵泉、倒行而激取之、可
愛在分支擘脉、老樹萬千、老竹爭蔽、戲獼猴、猿時或
一見、我心所悅者、澗道石橋上、聽水看山、實爲撮要、
若雪霽後、着一紅袖、襖持天台、壽藤步過僧舍、亦畫
中一快仙矣。

九里松夾靈隱路、植有六朝者、有兩宋者、有國初所補者、龍擎蚪舞、不與六橋桃柳爭妍、

觀大士道場、水則南海、而山則上天竺、在北高峯、鬱風氣團結、龍虎會合、宜其香燈之盛也、所可憾者、夾道殘人、叫號乏敗、中天竺在稽留峯北、共一佛也、過之無問者、下天竺在飛來峯下、巖洞嵌空、寺後有三生石、圓澤託生王氏事也、其磊砢堆垛者、以千萬計、有一聚氣之所、菴之可以得道、內湖外江、予特訪之、

留待緣人。

玉泉寺方池二畝蓄魚五色者百頭游人拍手呼之
啖以餅輒出應供坐眠雲堂吸龍井茶一甌綠風生
于兩腋。

石屋烟霞二洞皆琢佛累累醉游者各書姓字與酒
氣肉風共留洞亦何奇僅可一時逃雨其下有水樂
洞泉響似金石可探而有之。

過惠因澗取支徑上風篁嶺而至辨才聖壽院有亭

曰龍井。水出龍口。流流然。寺僧飯我于潮音堂。綠雲翠雨。衣骨皆寒。試其茶與泉。爭白。自秦少游參寥訪後。予與褚生元師。猶子緘三共之。

保叔塔有天然圖畫閣。勝絕左江右湖。烟嵐萬千。至於返照蒸霞。其錦明玉采之奇。映發杯底。不知雪後更當何如。可以呼鷹落鴈矣。

法相寺有長耳佛。云定光者是。吳婦祈嗣者踵接。而媚僧者亦摩肩矣。以故徒蓄欲淫。齋供甚侈。然老竹。

古杉森立可儀

赤山埠往南三四里走林壑中大率蒼鴉寒巖土一
嶺而得定慧寺坐大慈山如交椅然門榜萬象森羅
杉檜皆數百年物入看虎跑泉言南岳分至泉甘而
冽載到城檐可百錢汲不停手予以蘿芥試之僧以
龍井和之一時逸氣泠然此子瞻題詩後一樂也

包家園何難潤屋但其一派雪水滾至石芽壑荀沸
走雲淙此作泉亭狀首次則傳錦衣過衙衙閣下有

石三丈清流扁瀉可以追涼風取清枕特爲粘出
于忠肅廟入之毛竦杭人以至日祈夢夢不可解解
後則環伸酥破山高木秀安得此間結廬卽浴鷺瀾
小舫一飯截住跑泉七碗習習風生

錢鏐王祠僻靜可依坡公碑四繞間立乃吃糯米飯
後所書者

六橋花柳妍公爾松栢威森則精忠武穆之廟
墓也山環水滌醉人狂子清者整巾笑喧者習肅

嗟呼人心尚有血在白楊碧楨鳥亦悲啼奸僧等鑲
錯接反頭頸俱斷此死鐵耳何不於金牌十二時效
澹菴先生一按哉予令茂陵過湯陰睨其子孫卽苗
髮者皆凜凜有生氣垂老分節九江謁其祠已頽廢
捐俸葺之嘗讀其詞吟箋表雄偉理密不但武穆亦
文淵也豐碑大刻何足掄揚其萬一乎

聖之清者在花木曰梅在禽鳥曰雀孤山處士終身
不娶以雀爲妻而梅且妾之喜客喜僧喜茶喜蔬酌

喜吟喜游喜放浪喜獨嶺上探梅亭中放雀人皆知
之不知其孤山之妙

湖心亭宜月宜雪宜烟雨宜晚霞落照然而醉少狂
驢遺波撒屎寫句題名不辱盡之不止太監孫隆作
文昌閣其上差有顧忌

兩堤梅桃楊柳花事爛熳殊有致而惡俗輩如伐薪
然似與之爲仇爲妬必欲剝其肢體者不可解又有
折斷此枝花卽投樹下而去者更不可解

冷泉亭架壑據峯山旣飛來水亦飛至望之如壁鷺
滾鷺旋雪團銀快我胸背同年李我存黃瀍河觴予
是間復共探窟穿岩看其中石乳垂滴諸佛大士像
星列其青紫石光遙處雲灑灑起可愛也二兄醉別
而予入韜光問錢岳陽先輩之目青樂游者三日
放生池不甚蕩漾予往觀之正值蓮池師在舟中爲
虞德園授戒闡中方大將軍就之薙髮時丁未六月初
一日也予執弟子禮皈依師謙讓未遑爲予講受

想行識四字幾數百言生平得其享用又勅予做官以痛苦百姓皮肉爲主異日自有子孫之報至言哉是日具螺螄者舟比比亦有放而死者亦有隨放隨取者水盡紅殷似奉行者不得其法而蓮師之初意亦晦矣

先後游吾越諸勝記

倖第後得借差還鄉僑居鉅給諫之園長公蘭徑約同葉虛舟往登府山謁城隍竣酌於豁然堂上讀文

別號數筆

長扁聯真湖山圖畫也天風清勁雲偷雪眼漁耕繡

玉人如照

錯烟火萬家曾幾何時而廟堂燼易滄桑之慨於此

則神似聞

楊然

視之深矣

郡在臥龍山上最高處有亭曰望海此太守衙後不

先生杖履

可到者金斗許芳谷以文章事我特開筵陳醕具

所到品題

列珍轟飲投瓊極一日之樂海雲瀾瀾山川明錦正

即乙另有

座鳥依人看所發坡老石硯亦韻事也索余跋之按

下眼瓊管

海亭卽范蠡之飛翼樓飛翼者有飛而吞吳之志

月波計海

有特想

有特想

遊覽記

有特想

遊覽記

有特想

遊覽記

有特想

遊覽記

有特想

遊覽記

有特想

遊覽記

有特想

遊覽記

有特想

遊覽記

有特想

遊覽記

全而不可
及者才之
自去豈不
懸絕哉是
記分指鄉
乘字字丹
朱赫實也

古人忠不忘僣如此

塔山卽飛來東武山也許玄度捨宅爲寺起浮屠如
雀離爲郡洎異方收盡東南之美朱文懿公以大宗
伯家居開迤遙樓延我同席者陶周望先生張肅之
年友息柯亭乃長公石門吏部所建者亦曾尊俎相
招待御馮鳴陽章念清共之一山之勝大都屬於朱
氏從寶林寺入路老桂蒼藤高松壽檜橘柚木蘭攢
立叢脩是宇可無夏日至春游冶媚嬾嬾勃率時更

覺山川掩映而予適值其會

鼓山多蕺草句踐嘗膽復嘗鼓宮女有採蕺之歌又
云欲嘗吳羹欲亂其臭而食之何以豫知如此後名
襟山薄太后母家此見漢書後名王家山云吾家右
軍宅此捨之爲戒珠寺所以又名戒珠山總之蕺爲
古名也古殿原有臥佛予猶及見之後燬矣今臺佛
巍然全越山水譜在是矣左上爲呂稽箭之洪園已
稱欲界仙都極頂爲天海大觀亭南望如畫北望則

元氣漸蒸，十洲三島恍惚接天，目雙乳矣。一日兄大
然邀同余參軍，攜尊旨，晚坐，共謂栗里所云山氣夕
佳，真不謬。俄而風雲飛燿，見黑龍把海，其爪有丈餘
尾有數丈，蠕動良久而不見其元。生平一月。

白馬山廟後稍具巖壑，向爲俞氏所有。姻友陳太乙
軒之館之，翼樓複閣，至顛望遠，一大觀也。此山爲鼓
之附庸，霞明雪霽時，望招提如李小將軍一幅，至于
松濤梵響到耳，風清雖登頓良苦，亦足償之。

秦望爲吾越主山自郡望之萬丈方玉也先壠在其
下曾兩登之皆以秋絲雲間寺背上經白乳泉掬其
甘冽至項羽逋隱處有弗三楹稍憩之行六七里得
獨松岡勝可承願也自岡而上則坡陀漸易鼓勇而
登天風淅淅裳袖鼓播人俱把踵立腰矣至頂則從
右而左如騁指者四峯北望則海氣溟濛日月蔽虧
越城百雉若帶圍然諸峯山環待不啻兒孫也青烏
氏言此山乃漲天水星又曰見旒土也然五行相生

至禹陵則言水星者近似

竊知微上天柱看月以爲雨中快絕此九華之天柱也吾鄉亦有天柱予登秦望問土人金氏李斯碑何在忽堪輿羅廷俊指天柱一龍飛下踰日往跡之蓋有大天柱小天柱云是時卜先安人地孔棘柴蘇蒙昧予失道同行友僕俱招呼不應獨至其巔一片湖金萬圍山翠返照流霞可愛也頃之漸冥誤入黃茆中團旋窩轉忽腥風大起遇一遺樵大叫虎過而予

都不知也

爐峯從天柱生來，焰突最惟吾家。元章於大雪時，曾赤腳登之，大叫奇絕。張肅之以秋深訂我，治其於天尾菴。從馬家埠登嶺，踰澗，老楓紅葉，飛蘂飄衣，聽水淙淙也。至其賢郎讀書山閣，試界茗訖，捨車而徒，得陽虎軒。此余索之眉道人，乘醉所書者，得非用石虎事肅之曰：不爾。蓋對山百仞，下臨絕澗，亦百仞相去三四尋，落照時，客酒于軒，而虎常來對坐，或臥或行。

或帶子來，爬搔躑躅，彼此無猜，鷗畜之耳。入菴禮佛，
領僧之餅菓，陟上天瓦，乃石厂也。開尊飛舉，聽其家
樂，絲竹甚細，而予以爲總不如孤琴獨賞。旣已霑醉，
予欲登峯造極，肅之不能從，乃拉其叔氏魯周二生，
以筇導之，踰一大石，若紫鐵所結者，攀援而土三四
里，則岡行，見採藥者梯萬丈之壁，剝之取骨髓補地。
廬山有石衣，此處亦有而不易鏟，非毛人絕跡者安
敢試。須臾至老鼠碕，山跡如鼠尾中斷數尺，陽明公

一躍而過波老云子厚必能殺人耶茲道如石坂須
三跬乃躋然怯者面亦生土矣絕頂既可取益勇往
克之同行求少貸而予故勒之不聽憩乃解衣先陞
之牛角帝星可騎而有也正苦暍而餉及予望大海
一浮白俯越城之方隅一浮白朋視秦望况視鸞鼻
一浮白令周魯二生作回風不斷之曲赤脚先生之
後其我來乎歸語肅之肅之不能言勾云去水雲鄉
久矣時萬曆丙申九月廿五日

題目山水有大頭顧北不拜孔林南不探禹穴

則其游也目小而腳賤余何幸生越近聖人之居朝

夕于金書玉簡之藏乎去吾廬七八里依禹廟如

山東人之叫孔爺閩兒之叫天妃娘娘也每至

廟如臨父母看所謂窆石者玉鐘倒懸焉惡俗官車

斷其下不可知今有發人之覆者仇之耶利之耶

聖人之覆容爾仇乎利乎門前峭嶮碑刻南嶽揚至

者予每臨其顛堪輿以爲五行剝盡其腹滿金似大

有據傳言其穴在饗堂之後又言先賢欲窺禹而經
興太守連宵置石題曰大禹之陵又近日小人偷
葬事發掘之則一白髮老人言語不可知有何功德
而想此事楊升菴則曰穴在其蜀司馬子長久以爲
在會稽也此惟神禹復起方可對質耳亦何必于
此論辯惟是五十年前余摩娑石鐘古隸如九疑文
猶有痕似今漸漶沒矣其喬松百章爲狂風所提者
十之三爲居民守廟樵夫所陰蝕者十之四余曾布

之郡邑以爲渾閒事也。只可咏必陵句。雲氣生虛壁。
江聲走白沙云爾。

越王嶂。句踐望吳師之寨也。山有背面。余從夏履橋
跋涉廿餘里。憩一飯僧院。蠻從背取嶂。愈登愈峻。披
莽撥茨。石齒嵯峨。危坐十數盤。而得老松之路。則涼
颼颼快心脾矣。歐堯祖師道場在此。拜師肉坐。看
纏刀竹似左紐文。其焦尾魚咬底。事在恍惚焉。四
方行脚。叅禮者如蟻。因念老師一刀憤割。以佛換妻。

不但有定力。識亦超人。否則臭辱皮囊。殺之何益。吾兄大然曰。可一不可二也。劍江羅文泉戲曰。貴鄉人耐得此。大然曰。兄出家久矣。不耐如何。予以大觥。解之。循岡至靈峯。落日半規。千峯飛翠。可挹也。正之夜酌。而有土人。脍余餉菱酒。雞炙。且給之鮮。與老僧話舊。黃葉飄紛。天高月澹。林鳥戢戢。殊冷勝。五鼓梵起。亟擁襪上。大尖看日。黑昧中。金霞蕩滌。如鎔碎朱。蛩久之復合觀止矣。質明到寺。萬山絮冒。露出此頂。

也快哉

岷山無他奇。係王父所埋藏。三金轉車一勾而止。堪輿家言郡脉所度。余從秦望看之。殊不然。形如犀牛倒踞不入。

越山秀聳。卽無如筆架中銳。而左右峙之。以爲翼。以先大夫藏中壠。直造其巔。所謂天機星飛下如筍。如蓮。視廬山之金輪。不啻臣僕之至。縉雲之博。湖則無此穎拔也。幾曲奔騰如龍蛇波動而忽止。先世代傳。

積隴庶幾或遇之乎。

醉李徐問卿玄仗過我欲訪蘭亭日云夕矣余曰以
明旦玄仗意甚饒勅舟輿事規備從要公埠取道渠
愛一青驢聽之篤策過溪橋而蹶驢俯地問卿天仰
衣裳濡入沙澗笑甚余曰秉心塞淵其此也耶至亭
草木惡聲流觴哽咽大敗人意然而崇山峻嶺如故
也脩竹茂林如故也古今人豈遂不相及然玄仗謂
新亭不若舊亭之致其言可領欲看天章寺吾家右

軍手書已爲人摘去。余曰：卽何不索余書問卿？曰：差幾世耳。亦一妙語。

吾家大令宅于秦望山下。時五色雲現，遂捨爲寺而題之曰雲門。太白少陵諸老俱來游詠。更蕭翼賺蘭亭事，膾炙遂爲海內名藍。大王父安鳳林視寺佛東家丘也。雲門者，寺之總持，分支孽脉良多。至宋南渡，高宗建大殿而砂書大字，傳忠廣孝之碑，雖爲泚筆，然屬帝朝，不可湮磨。以故土人但言鳳林寺也。

復雲門者以大令爲重、新廣孝者以帝王爲重、乃有穀洛之鬪、大抵髡有我心、究竟從利起、見佛何知哉、髡既可笑、而儒于寺者亦有我心、亦不過從利起、見佛何知哉、當尋戈之時、幾有血慘、云王先生何不出而弄丸、王先生曰、楊沸止沸、沸愈甚、聽其去薪止矣、嗣後髡儒以無味解、然石橋邊、老木古碑、供其虐怒、此則吾儒之咎也、記五十年前余初第歸、同張雨若、朱石門、信宿、看陽明先生題灰壁詩、老僧白泉出鷲

炙陳醞。揮拳抵足。分韻談諧。猶有宗風道氣。而今豈可得哉。

近日魯閣然。忽遣濃就泊。小構山塢。竹深樹靚。猿鹿所不知者。一柴門扃之。擊柝可入。精舍數椽。俱殼當其雲。老山香。鳳襪軒。種翠臺。皆余所額也。予極愛其蕉桐一室。午眠晚宿。魄綠。竟清。彷彿梵聞而不嘈雜。又不甚禁予酒。卽何肉不忌。闇師文筆墨中當行。吾欲與之結隣矣。其如老去何。

去雲門三里。又有慈雲寺。晉何胤讀書處也。其學井
尚存。泉甘而冽。隱蔽萬竹深處。老僧六如有文行。栖
其間。予同禹兒進訪之。柴關松徑叩之良久。清童延
入。師方臨古帖。遶屋梅花數十樹。雪糝粉爛。爲予汲
井烹茶。相對靜默。一時冷香襲裾。人在碧天界中。
釣臺乃化山之水口。石奇峭在溪中。云任公子者。妄
也。安能踰萬山置竿東海乎。然吾姑妄聽之。

南鎮松妙近爲龍風所芟。然尊神顯赫。不可飲教。

內有古桃源，係金儀部前業，足堪栖隱，有數斗壑水也。

樵風徑，鄭弘爲仙人拾箭處，幽深曲隱，黃葉秋清，丹楓紫柏，一扁舟載入，可以忘世。正近石帆山，有宜園，近爲吾家大令所有，然舊日欸置無學識，當稍更之耳。

道士庄，在鑑湖之中，賀季真之一曲也，可漁可田，近日莽莽苦虺蝮，而塚亦累累，不可游居。北岸橋領，有

一菴處會稽山陰之山水大會于此吾欲得數畝
承樓百尺讀書其間而無力留示來者不必吾子孫
耳

山以人工助石彫琢有致然其渾淪淪不可測因
鑿取者螺旋羊角而下一失罷矣狼如牛渚馬當也
近日陶郡丞布置樓臺亭榭甚文致然恫疑虛憊予
心不樂之卽對山一靈芝峯亦不是天造者耳

何山石蕩止有石佛過橋處微可觀然點鑿不了其

聲不可聽。此山川入無間地獄者。昔一狂少歌呼醉舞。墮一扇取之。入而不出。繼之者亦然。此游當大暑。可畏可免。

明覺寺爲劉青田所游處。以爲此間有大地。留一記云。形似燕巢。近日沈六合置塚其上。而寺廢矣。然極風泉頂。萬山師友。予登之一快也。

三江關爲越守川人。湯篤齋公祖所造。旱潦開閉。吾越生命所關。中柱以五行字作則。在水則如常。過

水則開不及水則閉其功不在禹下四月放溜八
觀潮俱快心事也海鮮時至買佐伯雅吾欲日月一
至矣

入楓山黃山黃浦山余以覓地故皆造其極看江天
海日金波鱗鱗起恍然有三神島之思焉回首台越
諸山則碧樓紺殿吾家在雲氣中也

六陵在橫宮離河湄約五七里有郭太尉廟祈嗣者
夫婦雙往得子則三日內往報名彌年酬戲愿空山

廟。觀。以。此。頓。肥。陵。存。其。三。老。松。十。圍。者。將。百。本。皆。宋。時。物。也。予。曾。同。謝。大。將。軍。踏。月。歸。龍。影。蛟。風。撐。肱。舞。脚。時。聞。老。鶻。叫。秋。爲。之。毛。髮。颯。析。夢。寐。者。又。三。十。年。矣。

瑞安仙巖記

泉。石。之。奇。皆。泉。石。之。聰。明。強。有。力。所。自。致。者。泉。不。安。於。泉。躍。而。爲。瀑。布。石。梁。曰。吾。以。之。爲。驚。河。吾。以。之。爲。狎。蟹。而。我。其。雄。哉。大。龍。湫。曰。夫。匡。氏。之。子。九。華。之。生。

將起而角之。焉用此壁立爲夫。不有空行而天弔者。
耶仙巖曰。是誣其祖矣。戴陽盛以席垂成。胡不起家。
自奮發也。於是乎有仙巖之瀑。瀑不他藉。頓從已腹。
中出。如千本火樹。笑吐銀花。突如其來。烟呼雪喊。鼓。
鐵亂鉤。人相對止。見口張口。翁必欲相聞。則更語之。
或帖面附耳。對瀑爲澤潤亭。予友王季中。極浮大白。
叫何如。提子臂轟飲以敵之。而山人王碩卿。年家子。
吳聚伯。吳閭仲。俱侈其喉作笑語。而瀑以爲侮。予遂。

盛氣相加腥風惡雨撲人旋舞且呼且逼似不砍寤
人一瞬者予曰子母然我勸爾杯酒三伏月還當著
故絹衣向君從容食白粥也季中語之曰山陰道上
人其言咄咄吾輩一日東道主於是雨霽撒下瀑怒
稍戢入仙巖洞觀所謂梅雨潭者飛沫濺流此地必
無晴日一洞射風口緊腹脹予吻袖而下偶爲苔滑
一失其袖而氣吸不得呼幾爲禁絕老人病人斷不
可作此觀矣傍洞壁出噴玉磯忍睨之則洞渦香眩

萬斛明珠。拔山搗下也。急走上而葛衫眼眼粟寒。鬚髮是根。俱爲霧雲泚盡。於是仍登亭。悵想之巖名仙。謂曾此有仙飛去。雪寒月冷。力量在八素之上。方廣以羅漢。此以仙。仙佛了不異人意矣。亭前一樹蓓甚。而不免爲當戶之蘭。季中力勅僧卽克之。青眼不妨。頓白。季中言振玉亭上有三皇井。黃帝池。雷潭。龍潭。更奇邃清遠。而足不能誦目。雨又甚。續以異日相攜。擇石齒。窺通玄洞。洞可達梅雨潭。望之窈窕而爲水。

所壯據轉翠微逕、酌流觴亭、奔泉驛、酒如浪、不可少
待、不能勝、遂走憇蓮亭、託遠公以避難、亭下池可方
畝、玉蕊胎含、萬衣簇碧、放馥時、纔作瀑花之布、滑山
荷韻、不知是泉、香花香也、臥象與獅子二峯、闢積翠
之勝、彷彿瓊島、石磴曲屈、泉從屋上經過、屋下俱是
雲、確亂綠、濃寒竹松都無語處、反有恠榕十丈、寄巖
而產、遂拜嘉樹之封、此下爲虎溪寺、有慧光塔、陳止
齋祠、有虎溪橋、虎溪不在此、而宋安禪師曾騎虎此

山入故得名有溪山第一坊是晦翁字寺境廢而復起永嘉王賜谷先生之力居多先生卽季中之父也外史氏曰大羅山之南有二十六福地其仙巖耶王謝能發明山水先後永嘉不少槩見何哉吾聞之劉涇仙鬼惡聞涕唾聲則力能秘吝之不則滄桑未換海若之所宮耳夫山水靈物也其生長否泰各有時衰嬖之外有夷施夷施之外復有飛燕吾又惡知予之下仙巖之外不以悵王謝者而悵予也

歷小洋記

由惡谿登括蒼舟行一尺水皆汗也天爲山歎水求
石放至小洋而眼門一闢吳閭仲送我孳瘠孺出船
口席坐引白黃頭郎以樺歌贈之低頭呼盧俄而驚
視各大叫始知顏色不在人間也又不知天上某某
名何色姑以人間所有者彷彿圖之落日含半規如
胭脂初從火出溪西一帶山俱似鸚綠鴉背青上有
猩紅雲五千尺開一大洞逗出縹天映水如繡鋪赤

瑪瑙日益。習沙離色如柔藍。懈白對岸沙。則蘆花月影。忽忽不可辨識。山俱老瓜皮色。又有七八片碎剪。鶯毛霞俱金黃錦荔。堆出兩朶雲。居然晶透。葡桃紫也。又有夜嵐數層。闕起如魚肚白。穿入出。鑪銀紅中。金光煜煜不定。蓋是際天地山川雲霞日采烘蒸鬱。襯不知開此大染局。作何製意者。妬海蜃凌阿閼。一漏卿麗之華耶。將亦謂舟中之子。既有蕩胸決臂之解。嘗試假爾以文章。使觀其時變乎。何所遘之奇也。

夫人間之色僅得其五。五色互相用。衍至數十而止。焉有不可思議如此其錯綜幻變者。曩吾稱名取類。亦自人間之物而色之耳。心未曾通。目未曾覩。不得不以所覩所通者達之于口而告之于人。然所謂彷彿圖之。又安能彷彿以圖其萬一也。嗟呼。不觀天地之富。豈知人間之貧哉。

游天台記

宿桑洲驛之次日。取石梁道。一過李氏隴山。不守度。

過錄其巖之大者而吾師剖碑尋珠窮竭至角酣酒勝洽略無登頓吝悔意此山水綠也非山水癖也至其衝斷六十餘貫

矣蒼壁亂撐大石怒特谿如萬鵲擘翼先有高鶴長鵲叫雪飛來艸木惡塞一線黃泥斷續入天望前行人驟俱畫裏尺豆忽露忽習而予亦寄命懸絲上幾不知馬之幾足有一巖喚吊溪戴一石如巾子中隙明截了然不知何人撮置去六七里忽有黑猪數萬埋頭浴背負塗涉波而來一行人惟笑相傳錢王策此石津錢塘失曉不得去以理察之是山所融結俱圓塊水勇士搜則纍纍滾積下吾姑欲其妄言之妄

李益詩之

令人同退

莽其後有

浩歎斯亦

山水文章

千古一大

會合矣異

哉

成聚淵月

語語零月

金花字字

園林玉露

腹若新披

之繡心能

聽之也。雖然欲駕虹則鞭之欲起羊則此之吾惡知
仙人赴石非誠言哉。或湯之曰萬馬渡三縱四猶其
形共見而馬之與自此上數十嶺如拾浮屠級雲物
漸多予順風而翔儻然冀有所遇須臾霧合人山俱
失如魚游氣水同行。人恐而相呼謂山君或乘間而
一跌則蛟龍之宅也。肯哉歷下生之在太華也予其
善載腐肉朽骨者乎不復知有天矣。踰嶺霧盡徹望
台山一圍碧浪萬千則又仍在天之下也。然是嶺不

賢貴之精
惡奔山歷
下見之亦
堅心折

得卽落不可興又不可步。又劣步懸前顛。威方許後
踵生。洪厓肩當於此際合拍。自此見山。如壯幅。又
如耳層叠相。有塔出森黑中。是萬年寺矣。寺故帛道
猷。福田八峯圍拱。雙澗合襟。能於花瓣中。自開一平
局。風氣之所聚也。巨杉戟列。柱天衛佛。氣象沉肅。一
戒石云。萬年古樹。神仙留此。有人伐之。其人卽死。當
是游行仙護法作棒語。登妙蓮閣。問所爲。祿永寶蓋
者。僅留宋記。而聖母所賜藏經。金輝玉潤。規模宏遠。

矣。上人雪堂邀入，噉茗坐竹閣下。流泉潺潺，曲逗花
深，就樾陰作小園。藥欄點綴，文潔可愛。雪堂虎林人，
文字知識也。苦山之中，構以杭式，便楚楚有快致。仍
步出寺門，酌谿橋上。子與膚孺紅飲，而雪堂爲之白
醉。止子再四，其如石梁忡忡何。然而馬首屢回，子每
飯不忘鉅鹿也。過蘭若堂，截溪作沼，杏綠蔽封。人如
翠鳥，往來枝葉上，穿弄踰鐵船峽。羅漢嶺山益幽險，
竒邃輿窮而步。一嶺碧陰，浸肌染骨，眉額相照俱梧。

竹氣靄暗中，竇透數點白。天不知何處轟雷起，則此
及上方廣之門矣。清池一鏡，斑魚數百頭來迎生客。
意是瀟湘綠雨下，青風也。急捉僧從右肩，上曇花亭。
禮大士已，觀所謂石梁者。五月水大，壯上兩壑，穀洛
鬪梁上。梁如獨木橋，笋背龜形，長亘太廣，盈尺而
五六步中，春隆寸許，牽連對壁，路絕。僅容六佛龕，有
輿夫不識，浪欲過之。然萬山碎礫，已奪氣不前。探首
梁杪，一窺卽股戰齒擊。一行人不笑而怒，急牽去之。

而所謂梁上水者，從瑪瑙平腹飽積起走梁，不直掛
有黝之淵。他山瀑布俱圓渾條直，不盡布義獨此扁
落梁若機橫其上，真是九天飛帛也。曇花亭建自賈
秋壑，故有賈像。王龜齡宿世卽嚴首座，曾寫石橋碑
來龜齡二詩可讀。舊傳此山內有方廣寺，五百應真
羅漢家焉，而瀑布則從入之門也。自魯公拜入後，無
敢有問津者。亭像俱精妙，今杭人葛大悲所潤，葛棄
家入道在天封寺，壁間咏惟楚杜史楊脩齡妙得石

梁解出亭左嶺，有葢竹。洞天大朱篆，瘦硬不減李當塗。數折而下，坐石橋松樾間，望驚漢之翻落，恨不多人共之。更恨奴子且別，往下方廣，覺公喚取活火煮。本山茗眼見萬里，天上水須臾到口。冰壺洗臆，人在雪宮，不禁此清絕也。入寺，逕新篁數千，大可抱，俱慘碧。滴人竹裏，界飛泉如翡翠中，鉦數條銀物，雖俗喻差可擬耳。瀑既善吼，人不得隔丈語，而四山白晝俱陰。夜更易不無恐怖，眠覺公樓上，喧極反寂，然夢中

晴時是雷雨，明日從竹西至潭下，飛濺射人，陰風逼氣，急走還。但覺淵注停渚，納而不流，此必有物受之矣。而覺公爲我言斷橋之瀑，更勝。予已心折石梁，低徊久之，然不得不痒痒斷橋，過強嶺，暗溪者，再始得大壑，着芒屨，持一健兒，行六七里，苔砌顛數四，瘠孺笑子未縛頤，而楚聲爆脰下，則以笑酬之。山深無聲，跡亦無樵處。一行童先驅蛇，艱苦嘗盡至橋上，俱大卵石相對，中可踰，故斷之，實無橋也。石旣圓滑，稍不

戒無何有矣。乃伏石上，推首窺之。則玉龍平注，不知其幾千仞也。聲色俱厲，爲之神滲肉飛。是瀑下有數坎，秋涸時水下一坎，輒停一頃，又下如切方片玉者，乃足佳。今水盛直下，徒雄雪耳，何能薄石梁而逃此寂聞爲然。下數里一展，珠簾水則鯢人之淚，萬顆圓明，抽襲冰蠶，向月下織結晶絲箔者是。當嫁龍妹，恐石梁之火浣欲裁作奴衫也。予薄倖矣，出原路見輿馬如就枕，都不記檢幾何惡溪巖也。罇蹕開口，領馬

雖謝矣，強借輿之半旋而上之，望脚底朵朵碧蓮花，
一雉驚飛下，半日不得竟，乃墮之始入澗，而帝居
青鳳，彷彿翩翩矣。入善應寺，反廣衍有田池，朱儒走
之，當又有一番理氣，卽竟力克華頂，訪智師拜經臺，
降魔塔，伏虎壇，俱爲瓦礫，而太白讀書堂，餘與二頭
陀坐靜至羲之墨池，一勺水耳，其寫黃庭之洞，近亦
蕪塞，大抵台山以華頂爲心，華頂高一萬八千丈，餘
山郭之，浪湧雲屯，其勝處在夜半觀日，霽後觀海，秋

淨觀錢塘烟霞家視頂爲歸極之所而予獨謂其癡
肥童涸不過一高而已予昔登清涼之北頂右手招
太華捲舌一唾左落東海千山萬山大者豚畜之小
者馬蟻子也項王一呼千人自廢安敢摩肩背拱遜
鴈行乎司空見慣一出頭山渾闊事耳然於形家看
个字龍分宗出祖亦不爲無補云從華頂還善應寺
步二十里許旣餒且渴裴晉公逢著便喫而苦無酒
取左嶺下見婆羅樹花九房六瓣何必減優鉢羅耶

捲丹艸更奇，而有白花種種，山鳥尚疑僧定不識。一
絕逕至天封寺，溪田廣正，藏納苞聚，訪所謂大悲者，
立闢二三語，將由受者不多，可使與者忘少。殿上阿
羅漢一呵卽活，云是羅漢自脩自証，其二飛至國清，
相傳智師開此地，有神遇，因號靈墟。宋改額天封，無
他異，但卓錫泉澄澈，今古則佛門之大湯池矣。從天
封右逕箐篁中過三村舍，出來童子毛髮皆古，雞犬
見世人各有傲慢之色，極力走三四峻嶺，約十五里。

許始至開口與興力合勃率稍定乃得瞻顧所謂華
山頂者冉冉天半是雲中君也然予尚在山之領視
下方不啻禪履幾千仞矣夕陽將至亂峯丹紫馬頭
映射步步看九腦芙蓉惟峯異石方圓長短各如鳥
獸器物人人比擬一事以相誇示轉而上之約三十
里許至金地嶺均訪古定光址已莽爲農舍尋佛隴
大慈寺徒有燕巢之形去數里許一壁刮天有天台
山三大字畫每徑四尺矢勁鐵強云是美髯公筆不

知何據也。復上嶺至塔頭寺觀大師化身而樹封竹
暗宿鳥催呼前林無路矣。則從綠隙中聽下方鐘聲
隱隱盤折尋去一逕腸嬾嬾盡而溪橋出方田綠稻
芊緜晚香所稱爲高明寺者寺是大師讀楞嚴風翻
至此所建而寺主人無盡師說法南明天樂佐響乃
東南無畏光明幢偶出象山兩高足延入禮佛鐵像
精立而予則疲於津梁橫身卽樂土矣。詰朝由竹厨
下看幽溪坐般若石聽浪春捫一仄逕取圓通洞三

大石堆成，妙有天來。雲聽呼入，泉疾亂放。蜩咽鶴清，或直吼下，如獅子作武。又或奏獨笙，或擊萬鼓，攀蘿上松風閣，顧瞻左壁，骨繡毛錦，燈公十丈寶蓮舌，無庸導師，便便然靈文玄對，不可謂單直蒲團上來也。去此三里許，一石跳地，插天欲往從之，茂艸跋扈，遂別去。取舊嶺上數里，望台邑一方，耜耳，俄有蒼莨笋一，蒼沉黑，拔起山尾，是國清之塔矣。路眩陡不可與，勒股健束，速向鞋底下取塔，取而益隔，旋十數嶺，一

蹊俯千丈餘，一道銀布，從絕澗拋下，乃石梁小弱第
析居此，而日夜啼號者，馬慄人寒，各不得語，亦不能
轉換，回側稍延至容足地，塔出馬首，予然後有國清
也。寺若成國，卽清初疑開山之讖記，當在塔已而訛
塔是隋時物，無有知其宗譜者。寺前大谿環之，有橋
荔裳薜，積橫亘其上，而四顧松楓俱數百年，老漠蒼
髯綠髮，腰曲臂擎，各迎谿舞。右澗合襟至萬工池，池
邊七石塔佛立山門千餘年矣，斗拱如洗，卽累息無

一蛛雀云是魯祖運斤異蹤爾爾寺僧體虛肅入見
古先生後遂省寒山拾得灶灶石儼存問丘太守訪
僧灶下見拾得薪其脰乃拜伏而拾得謂豐干饒舌
遂呼寒山遁去夫豐干饒舌矣拾得又何許添足至
笑罵引避菩薩曉人不當如是問大師談妙諸天散
花亭在何處及瀉山戒壇豐干騎虎之踪俱隨烟鳥
沒矣獨飛錫一泓明珠夜月相傳葛洪金錢定此趾
而大師以錫據之大仙老佛豈若小兒奪黍子然語

從五峯下瞰寺在玉瓣中天關地軸道眼所收佛仙
反不許爭風水耶殿右一井題曰曹源是宋曹勛筆
偈語禪可是晚攜酒脯臥急壑亂流中雄飲大呼觀
秦王獻俘太廟時先後鼓吹浴鐵三萬生平以來一
日也國清是天台最初寺名既舊好而山清水清松
清塔清鐘清鳥清橋路俱清僧更清而予所居塔左
靜舍益有清六七日大雨如注與谿爭響頗煩聒枕
上躡屐出寺門峯頭白雲下來追陪欲語杖屐永袂

開皆作冷香拂拂。橐中米盡。虛上人磨糜煮。同大綠
均撥竹本。討笋燒羹。得飽快已。而天台胡令君遣饋
酒具。炙自潯陽。何暇計安邑之累。而家人往市歸。復
得溪魚肥活。可人意。遂又邀寺中小友。往壑上飲食。
虛上人取石銚。燃竹枝。試予蘿茗。有英公能作世語。
復能操南音。每一發。雲止溪格。手激泉花。足棹湍雪。
蓋止願今生國清矣。雨稍霽。虛上人爲赤城從吏。赤
城去國清五里而近。遂拔足走看。萬山俱雄。青雌碧。

獨此山壁立數千仞，巔面橫掃，中有綠間，遂若霞氣。上下三兩層，與公以城字之，真能目此山者，霞標一語當賞。二婢取山肩，左上見一小屋，炭瓦紅牆，近視之，則山魃肉土廟也。至前，僅赤岩耳，流水涓涓，路遶厯其上，卽不見喘息。至上岩，玉京洞天也。仰視，哈呀，玉膏乳滴，作雨簷聲，洞氣縮人，而無數竹青，引滿山丹采，從隙中插入，人骨不定，何色面面冷陰而已。尋剔蛇路，必欲登峯，詣極崖，葉茶香，正爾撲鼻，而苔滑。

足劣樵人大呼不可相與勉息跪不斜上艸弱難提
一步一笑偶窺藥劑幾下韓退之淚猶幸風微不至
同站鳶落耳遂得觀曇猷洗腸井昔尊者叅方廣有
羅漢云其胎時過韭畦穢不聽入因洗腸此處遶井
韭盛亦神異蹟也夫了元燒猪尚能食肉邊菜遂爲
千古借伎倆天台僧韭熟時將洗腸耶抑納肝耶至
頂上觀梁岳王妃所建浮屠艸深一丈腹豹隱忍避
去不可久停放眼一觀諸山伯仲十一玄初十九乃

還下探釋箋巖良苦。又訪結集巖。無有知者。至下岩
看吳觀察赤城霞三字。吸茗而下。雨大注。同行扶掖
急走還。次日天不雨。同虛上人探寒明兩巖。參天台
西門取道。家家溪樹。翠鳬雪鴈。雲磨水春。想桃花點
綴武陵源。富不勝此。村盡處。一橋虹偃。四山舒展。民
有麥禾之樂。二十里至龍山寺。無奇。又二十里。飯平
頭潭。小橋溪店。曲巷短岡。差不俗。渡一兩溪。雲山紺
縹。恍然曾過來。猛記得幾年前夢中境界。毫忽不爽。

過折溝、一何姓家、千尺古松、本作老態、商敦、周鼎、
辱在賣漿、可奈何、憇孟湖嶺、聽割麥種禾聲、聲山響、
數家峭壁下生活、山水隔絕、另有日月、見一石如獸、
踞一石如黑靈芝、莖細而房大、可愛、山皆石疊、簡積、
詭戾、裂縫披麻、如今所食錫瓜、又如折破蓮、囊託在、
石盤之上、大類鴈盪、山上洞無數、有仙人棺、龍鬚洞、
奇甚、下山則夫竹、古藤、長松、樟、相紅豆樹、筋纏骨挺、
蒼腐橫植、於是謁寒巖洞、如灰箕道士、開口五臟皆、

見可函千人，龜蛇上山石，亦有巖左大鷹石，觀瀑絕
壁光削約五百丈，練子水拋下，濺石珠碎，右有雀橋
如甕圈，削剩一條，點不可上，奇險孤匿，似薄石梁，猶
着人脚者，呼農僧共酌，吟寒山子詩，是夜夢殘鐘，冷
高山臥及在水中央，明日過無字崖，看明巖，寒拾二
峯似和合仙，抱語兩人真石交矣，巖下有通海池，植
鐵色紫荊樹，經八寸關，回望象縮鼻狀，稍似殿頂削
崖屏漢，相傳閭丘太守跡，寒拾來闢入不甚肖，惟席

帽半身以意逆志耳至所謂馬跡則各目其三而子
似五之從壁縫看起一馬出門縮首入一馬昂首相
倚出中一馬翹足長嘶最辨上一馬首修甚正對人
見前二蹄背一馬首入內隱此馬後露其尾五馬天
骨開張神氣皆竦面壁聽之驕嘶不斷玄黃牝牡啼
耳不明俱不妨天閑神駿間丘棄而去之何不遂贈
玄冠之使使免跋涉之苦壁頂掛一瀑銀繩條落半
墜潭時綏綏灑灑似一束碎雨對山一石孤立二千

丈松栢植其上，必雲間鶴得訪之，由苔砌入洞三十丈許，愈深暗，從左隙出，見白狸伏在穴上，雪毛森磔，嘗穿穴至前巖取飯，僧苦之以塔厭其足，輪數步，一石笋斜插，如萌怒未伸者，至合掌洞，前後天通，此中必無六月，又上一洞，却對唐馬一幅，而洞腹用大石罅之，取鼓叫，又上一洞，忽見達磨像，首出藤葉上，儼然西來生氣，爲近日四明劉光祿破識，寒巖奇是詩料，明巖巧是畫料，寒拾復起，又當拍手而呼蒼天矣。

仍從孟湖嶺下嶺根村一支逕渡三四溪至白衣廟
小山突兀溪如明河決溜而三虬松鼓濤與之爭壩
力不勝而咽一佳境也行二十里許至廣嚴寺隨喜
榮羅漢肉身問貧婆鐘已灰劫矣行二十五里許宿
長塘范氏之樓山民強作解事方行九賓禮苦求解
不聽而腹又大枵甚欲臥時又相與爲磬折天未明
急去取三茅村撥盡山坳得桃源無洞有庵曰桃花
塢三楹屋顏以儷仙亦無劉阮像剡僧雲公止焉引

入看金橋潭飛泉杵鏡坎坎幽疑大小石壑相望不知誰日會仙而所謂雙鬟峯者二頂葱蔚亦因事而授之氏也更入惆悵谿路盡則相與撲跌捫山骨得跡一趾遂喜擇一趾力窮之谿始盡山俱大青古綠恍然三山十二城絕無聲聞杳然太古同睿孺及二長老二僕坐石上歎謂今夕何年睿孺遂凝去謂水迎花笑定有人出必待夕予笑曰誠有之但魯卜易得比之什不寧方來後夫凶耳然二美之贈送兩情

之丹來此地此時不堪柔腸千古記得周美成詩桃
溪不作從容住秋藕絕來無續處人如風後入江雲
情似雨餘粘地絮此紅淚下語年年血在桃花矣問
所謂瓊臺雙闕者土人俱不知何謂雲公曰吾當以
杖作眼行三四里過瀑水嶺下高壁障天清溪照石
望桃源瀑布似驚虬倒掛幾百丈村農女兒小橋邊
行汲入竹去仙家矣籬花自笑居人何必解東西也
雲公數乞路野人都不應行五六里一老叟指點似

有要領而雲公十年前曾望見來於是得入見所謂
瓊臺者玉山寒並已爲厭腹而予遂欲如桃源例竟
之初褰裳去幘從初得入已而樵路絕俱壑中行
膚孺乃大恐求止一石上子種着艸屨持一方竹
取鳥路已而鳥路亦絕僧僕呼吸叮戒一步潭卽一
步石或不可則退之再試百計闢入石盡山塞山盡
石塞則以竹剔莠苔蜂綴而猿接之眠撲偷過窪隆
懸滑以千尺計俱數十處閉聽一視而僥倖齊粉者

數矣。喜雨後如秋，輕陰皎淡，不熱苦人。約五六里許，
瓊臺正面，削突整嚴，是一萬雉。方玉樓，大翠，大錦，蒼
叢而成者。一山稍圓，直佐之。而所謂雙闢，古鼎兩柱，
峙插其上。碧盡霄霞，令人魂絕。此皆王子晉、葛鍊師、
魏夫人輩騎青鸞，步雲氣，汲金漿，而調石髓之所也。
予何以至此？罪耶？福耶？游耶？夢耶？始皇失志於東海，
武帝絕景於蓬萊。予一日而有瓊臺雙闢也。予何以
至此？正精迷意喪，而寒風陰氣逼緊，衣裾僕云十步。

外一大黑潭，溪盡山盡矣。視聽之波沸沸圓折起，有龍物將出，怒人急走還，不自知其步之翾捷也。乃從山上隔三里望呼，睿睿得空谷之音，輒大呼作僞笑，察其色憂未解，共詰之，乃云岡上忽忽大動若虎出，吾其淵矣。二僧相視而笑，意間謂吾之所憂有洪於虎者，相與汲溪啖餅果，慰藉別雲公去，得輿路纔四五里，上斤竹嶺，輿不得用，予勝具能緣高若都廬，而是嶺則是所未闕者，高不過十四五里，但峻削

陡險僅容一脚步、步則以膝承額、有千餘折、氣喘盡、乃上十之二、渴燥甚、無所得水、覓得一隻梨、不僅是張公大谷、至絕頂路忽大坦、走四五里、無人、不知何處、下落金庭洞天、乃分探之、始走至、至則爲桐栢宮、九峰環裏、三井玄漑、址如仰盂、有平田數十頃、乃司馬承禎脩錄地、按真誥記、吳有勾曲之金陵、越有桐栢之金庭、三災不生、洪波不登、是宮肇於周、靈於晉、盛於唐、擴於梁、宋、其爲瑤池、藍室、玉宇、丹臺、白鹿、青

禽靈芝瑞艸者不可勝紀而今僅僅一寒道士守黃
雲之故堂半丘腐麥子卽不灰之靈粒何以盛衰懸
絕至此然道士猶能指點葛井宋壇一一在寒藤蒼
蘚中也西行五里訪元明宮已廢取道仙人蹟望吹
簫臺遺響絳雲渺無定處捫蘿至瓊臺之上又歷南
躋雙闕但覺絕壁森倚呼吸通羣帝之座玉泉華琳
二峯夾其中闕後千層峯巘如大海紫瀾乘風而擁
此天台之心矣勝游哉第不敢俯窺予語道士此下

可徑行否、道士謂必無行理、而予謂從萬仞之下飛
來、則道士以腹誑我、徐大受山行摘句、大壑之心、瓊
臺突起、嵐光波綠、狀如削瓜、語極形容、似從下而得
臺闕者、然又云俯百丈龍湫、心悸骨驚、不可近視、則
徐仍從金庭取臺闕也、予以窮目之力察之、則臺闕
之勝、據其顛反無所見、必望妙於登而仙路凡隔人、
不得人、何從而知之、予其破鴻蒙者乎、興公之賦天
台也、曰倒景重溟、匝峰千嶺、始經魑魅之塗、卒踐無

人之境而結之曰陟降信宿迄於仙都雙闕雲聳以
夾路瓊臺中天而懸居意興公慕此神秀未曾親走
至上下止欲擲地作金聲已耳還至宮飯罷謁孤竹
二先生石像冠貌甚古台山借重首山入豈九天僕
射之說耶捫宋乾道碑十行香火文字恨韓擇木所
書崔尚頌被風日蝕盡猶豫走石橋出洞門盤折而
下十里許至福聖莊觀瀑布夏雪春雷江懸海掛當
年瀑布寺中竹窓松檻不知何人年年觀看濺珠亭

僅有遺礎。然飛沫時時穿葛可人。予初在桐栢宮。見
平疇衍野。一豁苦礙之目。似入潼關。驟得百三山河
者。及回首瀑落九天。仰觀所下。額雲封樹滅。而後知
桐栢宮也在天上也。予目不過兩寸。惡能窮宇宙之
變哉。相與唱凱還國清。疑眩茫然者兩日。人間長見
畫老去。恨空聞。每詠斯語。輒欲擊碎唾壺。萬年老杜
不得接天台一面。而寓公相處甚久。台鳥盡皆熟。織
其酒脫者來掌中就食。一月之內。自魂魄所徵候。且

鼻所受納。以至便溺。所化指無非雲氣水聲也。天台何以侈予。而予亦何繇得見侈於天台也。

閔中具曰
游山水者

外史氏曰。予游天台。蓋操一日之文衡矣。賴仙佛之

多矣。從無
此品題試

靈風雨無恙。得以搜閱竣事。略用放榜例。品題甲乙。

官停當舉
子定不差

與諸山靈約。矢諸天目。不敢有偷心焉。文章胎骨清

池子雖未
與較閱而

高氣象華賢。萬玉剖而璧明。萬繡開而錦奪。崑崙嫡

於評說中
若或見之

血。奴僕羣山。仙或許知。人不能到。所謂瓊臺雙闕也。

天黃太極
以先生爲

第一。磅礴渾茫。從天而下。不出父師。立參神聖。雄奇

之極。反歸正正堂堂。吾畏之終愛之。石梁瀑布第二。
天繪巧妙。鬼斧彫鑽。腹字多奇。令人解頤殫步。能品。
加入神品。明巖第三。孤月洞庭。正爾寂照。忽有天山。
萬里雪。一夜飛來。此曠世逸才。國清第四。惚恍幽玄。
不記何代。片時坐對。人化爲碧。桃源第五。繞腸雄氣。
滿腹古文。鬱鬱蒼蒼。扶餘窮北。萬年寺也。第六。鄧艾。
縱兵入蜀。要以險絕爲功。不險不奇。奇絕乃險。斷橋。
落澗第七。醉筆橫披。英英玉立。不與絳灌爲伍。名士。

也。但才氣太露。烟火未除。屈置稍後。赤城第八。孤芳獨嘖。不求賞識。然奇矯無前。人人目攝。寒巖第九。清新俊逸。居然道骨。仙風是瀑。水嶺下數家也。未有知名。當亟拔之。第十。魄張力大。有如天風海濤。夙領台山之譽。華頂第十一。因宜適變。曲有微情。藏若景滅。行必響起。高明寺幽溪第十二。望之甚奇。卽之甚平。別造一格。高下倒置。桐栢宮第十三。停勻冲粹。淡日和風。輕入長春之圖。實稱其名。天封寺第十四。句。

番語字。字鬼才。別有僻腸。不得以文體而黜之神仙。
赶石第十五。餘如廣嚴護國無相佛。隴福聖諸山水。
及悔山。歡溪。顧堂。察嶺等。尚有百十勝。未錄。或前事。
之工易掩。或一日之長未盡。或星屑而可遺。或雷同。
而易厭。或目未接。予或足尚妬爾。庶幾獲附於拔十。
得五之義。而幸免於掛一漏萬之譏也。予之所以次。
第台山者如此矣。

鴈蕩記

項聽所曰
茲記窮搜
博剔聲到
界除少陵
雕賦所謂
精精勁翮
肅肅遺響
奔不可追
後無留賞
者

鴈蕩山是造化小兒時所作者事事俱糖擔中物不
然則盤古前失存姓氏大人家劫灰未盡之花園耳
山故惟石供有繁無要有文無理有骨無肉有筋無
脈有體無衣俱出堆累彫鑿之手落海水不過三條
穿鎖結織如注錫流觴去來娘脚下昔西域羅漢諾
詎那居震旦大海際僧貫休作讚有鴈蕩經行雲漠
漠龍湫宴坐雨濛濛之語至宋時構宮伐木或行四
十里至山頂見一大池羣鴈家焉遂以此傳播謝康

樂稱山水癖。守永嘉絕不知有鴈蕩。沈存中以爲常時陵谷土蔽。未經洗發。如陝西成臯路。但彼土此石耳。理或然。山周遭不及三十里。以馬鞍嶺爲界。東有內谷外谷。西亦有內谷外谷。自宋以後。高僧燈續。建十八寺。不堪廉貞作祟。今剩其三。自樂清來者。從西入。而予自黃巖來。則從東入也。過盤山顚。至絕崗。望見恠作矣。至大荆驛。石青亂拔尖者。筆上方者。筭整予嘗采。願桂林千筍。不意樂指於此。遂覺望腹一

石橋灣谿緝碧照見魚兒鬚髮若得移家來小結一樓朝夕凝對定須看殺衛玠子前游天台出桃源至瀑水額下回首瀑布便欲走還鬻田宅攜雞犬願作天台一更老如妻子有難色棄之如脫屣矣而今繞湯三匝尚未知所適從也入驛古樟抱十人樹中巨母霸難爲同時馮異矣於是取美人蕉勸酌冥欲睡去則以紅燭照之詰朝渡一大谿涉兩小谿經額村沿門市米不香玄山之實山中僧皆青烟白水黃獨

鵬鵬興人至此則以告猶幸有斗升自活兩山門據
入其中野藤莽木老松嫩篁俱爲溪光映發看見山
肩上儼然一禿背袈裟合掌朝內一行人笑絕老僧
巖不待問也步二里許上石梁洞梁如籃環矯拘屈
曲彷彿雀橋而視之更覺鐵氣飽健洞空十餘丈石
汗滴瀝如雨二苦僧守其名度命洞外橋久渴無他
青但對僧巖親切耳行三里上謝公額得名者別有
一洞亦未之奇也踰額則海枯天泣眩惛狂走同行

人大叫一叫一好過雷屨股在南山之陽過風洞冷
然善也冬日則陽氣從一斗上牧兒以洞爲鑪看大
襪頭小襪頭式如今之朝冠思廊廟耶諷林泉耶吾
不得其解頂有靈芝峯宛然可望可採吾來所時豈
直天輔之會乎何以五明三秀乃爾淮南子謂不生
於盤石之上吾欲結小山中入舌矣雙筭峯纔解籜
數日跌坐其下觀照膽潭名不佳而實則軒轅之鏡
北望懸空一瀑下作三派銀河滾落幽谷時熟梅雨

至雲來侵瀑，明暗萬態，恨前身不是畫師。靈峯寺僅一艸堂，棲窮佛而僧持鴈山茶烹潭水，則滴滴玉漿，指點鶯崖仙掌，分明愁胡側目。漢人下涕矣。五老峯不如白岳清壽，然杖屨排列似甲子井井，不是混泥途者。上羅漢洞初若易取，力步五六層，凡六百餘級，乃聽入萬山穢塞而洞正對兩峯中，天如一櫃，玄冰矗起，寒絕奇絕。漢宗室劉允昇棄家同二女佞佛，實萃此洞，洞中奉大士傍列尊者，而首座諾訢那相最

古上有水瀝方池，鑄爲浣心處，不知何一老先生題
識，想卽字照膽潭者也。洞高且深，人人看洞則雲來
看人，苔暗草軟，時時侵軼我，持僕肩下，功更倍上，而
與夫跳浪洞中，大呼喊，則聲淪淪然，甕滿折轉如線
片時，乃引墮壑，口出經響，額頭數十大樹，不知名，但
其骨采必不是人間色到者，數家圖山寫壑，汲乳耕
雲，坐卧俱游，桃梅作曆業已天矣，又何必拔飛白日，
尋淨明寺，久爲茂艸，但星橋無恙，水簾洞，玉絲珠纈，

亦是瀑水幻格過聽詩叟巖一人屬耳於垣似聞夫
江流日夜者或曰風打山眼颺過如金僕姑詩當作
矢聽詩不聚聽矢更自勝也過響巖與夫積聲索磨
字字洪朗鼓吹游山此處却不妨數部自是壁壁夾
立通玄之窩通雲之鑄懸雨之澗射虹之泉令人不
暇應接一山方脚欄谿骨勁甚每谿花過定相激鬧
良久方聽去去數里入靈巖兩山守之曰白雲寨山
上一圓石曰頂珠峯一山酷肖老衲拜佛曰僧禮石

兩方崖曰鐵板一大圓石獨託曰鉢盂名義俱確獨
白雲寨未安過石橋得寺門入之步遂不能前五眼
鬼出胎來頗亦平等外境一日騎驢過華山下偶覺
身小今入靈巖院是兩番境界矣正面曰平霞障障
下曰玉屏峯左曰展旗峯右曰天柱峯約俱數千丈
右肩曰卓筆峯雙鸞峯玉女峯獨秀峯約俱千餘丈
峯間瀑布直下曰小龍湫約二千丈予在靈峯時暮
肝目對之已耳至此則面須折仰以鼻扞天看孤烟

上壁不及十分之三。化爲烏有矣。而七分壁亭亭潤潤。若王謝家子弟。竟不知灶下還有米鹽事者。色氣青赤相間。是四寸里側看石家錦。展旗扁出。似扇面猶折。蓄十餘幅。戰蚩尤時物也。至天柱平地矗起。孤圓削直。絕無牆壁帖肉相對。已有箭餘衆山。不能無愧色矣。對大主人。又對張河直瀉。胸中鑿通萬里。亟與酒炙而雲來爭坐。予便走僧寮。或屈之。未及門而矢石注瓦上矣。膚寸卽合。雲可。不習山家行藏也。飯

罷逢鄉僧言龍鼻水津津焉遂選盞礪屐從淨室取
危逕篁箐屯塞石齒礮擊不認艸花但見寒綠僧以
杖撥蛇數十盤捫一石天開圖畫乃晦老書又數十
盤約里許始入谷脚邊俱南星艸芙蓉葉夾藤牽蔓
腥濕凝雨巖上亂漉反覺天漏緩首急足強挽上始
至洞忽起頭顱願一龍從西南峽中繞出洞頂數十
丈鱗甲蝟磔垂瓠大一鼻至洞尾鼻二孔一孔通滴
泉入方石中又舒一爪護鼻俱古銅色膩滑不知是

石是龍也。毛骨爲之。聚張而隔峽。龍湫聲如海戰。又直雷轟電劃。只向洞中大索。從行人及僧俱呼大士作怖聲。而予亦勉作桺榆實。恐有葉公之事。此似境耳。視蜿蜒漸淵。不得不以定力推古人。或曰龍鼻水可明月。意是萬年老石髓。洞口正對玉女峯。意中嬋嬋朝朝以洗頭盆。挹龍液。恐箭括湫隘。難爲十丈蓮花步也。卓筆峯尖勁有力。不止起八代之衰。而雙鸞峯似從太山崖戢翼於此者。獨秀峯昂藏自上。顛有百

尺之松、四隅天削、觀商永嘆、竟萬年、我不得上子亦
不得下、何至相絕、乃爾、而老松人語、非孤寄自苦第
不欲受人間培植二字耳、西過仙人橋、望湫下如白
蛇驚濤、雪浪奔流、不可逼立、足以對付斷橋上二里
有泉標起二尺如劍、雨復甚、還下消憩、俱不解其故、
罄索醢一勞、展席大雄氏前、哈臺大、軒快、孰至曉、遂
搔首捉衣、急出溫看、愈故愈新、然畢竟是天柱了饒
也、望屏上戶開、翕霧云是安禪谷、而旗峯半一簾、壁

長云是天聰洞、俱奇盡、卽大不可上、望峯頂石如蟾
如兔如龜、絕尙壁間燈影、戲石石傳神、徙倚山門外、
鐵色樹一株、不忍言去、遂從橋上飯罷、別僧出山口、
有雲從對壁經過、雪飄練曳、無絲毫入兩山之門、兩
山深紫、對壁太綠、只中一段三四丈、如疊方、裁整綿
絮、曾見此畫來、不意高懸是處、始悟白雲寨三字、乃
見識人安頓者、予不逢雲、予不然寨也、天下事可以
吾一目悉之乎、出寨渡谿、展轉雲壑、左顧右盼、飛泉

甚多、經版障巖如一派流霞、望觀音巖峻絕、阿閼闍
一現、遂爲雲所妬、登鞍類以待之、雲且呼黨錮我、於
是走石門寺廢基、上羅漢洞看石羅漢、或云自閩飛
來、惡知非應真之化體耶、望常雲峯、峯似雲耳、過道
松洞、洞以羽客得字、經瑞鹿寺遺蹟一峯、呦呦嶽嶽、
安得浪指爲馬、沿澗有大峯、人立而怒、對壁爲連雲
障、障上開二小鉗、元李孝光謂是蟹足、稍入澗有剪
刀峯、分開千仞、欲剪青天者、張肅之易其名爲巨蟹

而未央。予以爲山波似海。既有彭越。那得無螭螭對壁。有兩穴名闢王鼻。然大約似虎頭虎眼。入益幽畏耳根。但聞雷走過一庵折徑而上。數千仞絕壁懸空。掛下一團白柱。又不知是龍是水也。上諾詎那觀瀑臺。勢旣雄惡而潭洞凶暗。令人萬端交集。稍狎之怖心畧定。諸家摹倣各得其一體。而予靜圖之初來似霧裏傾灰倒鹽中。段攪擾不落。似風纏雪舞落頭。則是白烟素火褰墜一大筒。百子流星九龍戲珠也。雋

法師得道後，口若懸河，意詎那對瀑子，在川上時矣。
臺上數十級，有看不足，亭奇峯，胸後驚水眼前。若肯
移質小齋，敵朱夏。還當向括蒼交青嶺上，借取萬尺
松一株來。大龍湫絕頂五里，尚有碧潭。正德中，五臺
二僧廬焉。此龍竅，二僧寂後，仍龍據去。碧潭上約三
十里，則爲蕩湖。是卽宋人見鴈之頂，亦有鳥路可通。
而雨深艸塞，予不能好事矣。還從錦溪山壑，身如霞。
瀑水洗濯珊瑚骨，一行七里過古塔寺，僅有華陽洞。

不及登所謂梅雨巖星飄珠潑頗爲龍湫所掩卓刀
峯僅當徐夫人一七首而含珠峯美尤於夾谷之中
似從大湫盜睡驪者終當風雨取去踰數溪至能仁
寺鴈山萬水奔呼至寺後忽淍靜如凝從左嶺進
下一谿頭瀉八尺水屏聲聲月珮山行春橋入寺望
火焰峯不可嚮邇戴辰峯則手可以摘星矣燕尾泉
裂玉飛潭時生空霧看大鍋二隻可飯千僧云是宋
官家物意當年梵宮轉麗游屐必多而今不能無銅

駝野棘之感也。於是從筋竹澗上丹芳額。舊傳筋竹澗康樂開山止此。山水有緣。顯晦有候。豈希鍾之所得取者。嶺峻絕四十九盤。一盤一勝。回望一百奇峯。如郭子儀軍。偃旗息鼓。而戟槊稜稜。俱有欲起之意。至嶺半。則如看周家東房西序。赤弓大貝。紀離天球。一有顧命。卽俱陳出。上絕嶺。看東西內外谷。是一胡桃果。隔別中。妙有囊寶。是役也。山谷之外。所見者紫茶方竹。金線鳳尾艸。香魚。白鴈。山樂官。雲髯猿。一而

鴈蕩之觀亦彷彿得其皮毛矣。或曰鴈蕩應秋游。予獨以五月來。宜受雲物之吝。然吾不欲其一覽而盡。故且以雲紆餘委曲之。吾觀靈峯之洞。白雲之寨。卽窮李思訓數月之思。恐不能貌其勝。然非雲而胡以勝也。雲壯爲雨。雨壯爲瀑。酌衆知源。助龍湫大觀。他時無此洪沛力者。伊誰之賜哉。至於秋清氣肅。上蕩頂。走山根。呼天剔地。則予尚有葛陂之龍在。秋所同也。而雲所獨也。予又何憾也。

倪爲寶曰
如畫揭鉢
罔摘妖邪
惟笑罷忽
驚厥中又
嘆游記至
先生可以
袖歸五岳
現著四溟
矣

游五洄記

水經註是也。中二洄不可至。朱景濂獨難四級。蓋從
下遡上。又於二洄之中。身試之矣。謝玄卿。刁景純輩。
所游遇不可知。若近日徐文長。袁中郎。陶周望。俱未
至三洄與四洄。今次第言之。從寺右走里許。先見者。
迺第五洄也。約三十丈。團鹽萬斛下。夾溪造雲壁。止。
躋道元已貌得七八也。過潭壁斗凸三丈許。履不可。
革粘齧如癭。進生退死。雷霆不聞。初苦上旋。苦下屏。

息如盜響鈴突見碎雪再來此四洩也同行孝兼范
敬升先眠采玉河上予與文學陳奕倩僧魯逸曹源
續至各踞一壑此時人在勃律天西望見蔡漢逸兩
試兩落以爲郭肉絕想矣良久勉上半前半却正盜
響鈴處也幸而至亦坐坐奠搖首半刻乃笑而三洩
均隱在對山隈上蠻強取之石芒棘杪着處寄命阿
奴欲忠一臂忽口噤不悉說何事昆陽園中你我不
相顧也三洩態備出傾者滾者飛者跳者煮者突者

衝而過者、喧。厖繡。蹴其沫。猶可滌肝。棲賢三峽。非不
妙。那得騎而狎之。朱約之。浮以大白。此酒不宜勸人
矣。仄壑。右上得用脚掌數丈。望見二洄。老蓑衣掛下
短。白鬚也。石腹膩瀉。不可陟。力人先之。汲我以裹足。
布。丹墜而引。若淫濕斷不能也。第一洄。飛下聲。怒色。
怒勢。怒然無暇料理之。絕壁。垂尺餘在外。失一趾。于
古不問矣。飛瀑雄吼。貫頂劈來。上有龍井。洶洞萬仞。
以青竹及柴杖投之。有入無出。此酥魂栗魄。腐也。驢

而上之爲劉龍子拜母處頭顱印存又上之其家也
又上之則地名紫閣屬富陽治殷殷雞犬聲出也忽
而平田廣陌肩鎖頓開如從十地拔出三天門無復
歸理特予人一條生路奇絕乃從響鐵嶺大步而下
是游也喜樂不償畏懼生人止堪一寄耳吾意鑿通
縣度亦不必五牛屎金千梁無柱然而不樂爲之者
僧欲險之而山川亦欲闕之也雖然險闕正爾佳必
欲几平褥善卽無過耶鄆道也